

*АЛЛАХНЫ унутмай эсинде тутхан,
Сыйны махтауну мийигине джсетер.
Токъсан тогъуз атын къайтарыб айтхан,
Джандет тёрде зауукълу джашау этер.*

АЛЛАХНЫ ТОКЪСАН ТОГЪУЗ АТЫ

Къарачай шахар 2012

ББК ~~86.38~~⁸⁶ (2 Рос. Кара)

Л 48

*Автор выражает искреннюю благодарность
за помощь в издании книги
директору ФГУ «Управление эксплуатации БСК»
Салпагарову Магометамину Бунияминовичу*

Х.У. Лепшоков

ИМЕНА АЛЛАХА

Хусеин Лепшоков в своей книге «Имена Аллаха» рассказывает о прекраснейших именах Аллаха.

Он – Аллах, Творец, Создатель Совершенный, Дарующий облик и форму. У него самые прекрасные Имена. Славит Его всё, что в небесах и на земле. Он – Великий, Мудрый! (Коран, 59:24).

Эта книга написана для того, чтобы мы узнавали нашего Создателя – Аллаха ближе. Глубоко осознали Его величие.

Кара! 6369

© Лепшоков Х.У., 2012 г.





ОБ АВТОРЕ

Хусеин Узеирович Лепшоков родился в 1957 году в далёкой Казахской степи, где карачаевцы жили в годы ссылки. После возвращения на Кавказ семья Лепшоковых жила в горном ауле Эльтаркач Усть-Джегутинского района.

В 1974 году окончил среднюю школу в ауле Сары-Тюз.

С 1980 года по апрель 1983 года учился в Днепродзержинском заочном химико-технологическом техникуме по специальности «Промышленное гражданское строительство».

С 1999 года член Союза журналистов РФ. С 2002 года член Союза писателей Российской Федерации. С 1998 года по 2004 гг. учился в КЧГУ по специальности «Русский язык и литература, родной язык и литература».

В 2008 году окончил его аспирантуру. Порадовал своих читателей сборниками стихов: «Голубиное гнездо», «Эльбрус, я – снежинка твоя», «Дорога праведности»,

«Сияют звёзды», «Кавказ – край дружбы и братства», «Дивный край», «Изумруды Эльбруса», «Сияние сердец», «На поворотах жизни».

С 2000 года работает в РГБУ «Редакция газеты «Къарачай» собственным корреспондентом по г. Карачаевску и Карачаевскому району.

1 мая 2009 года награждён орденом «Человек на своём месте» Академией общественного признания. 1 ноября 2010 года ему присвоено почётное звание «Народный поэт Карачаево-Черкесской Республики».

Он, как «Поэт 2010 года» была напечатан в общероссийской газете «Народы Кавказа».

В своих изданных девяти книгах на русском, карачаевском языках он посвятил стихи 267 представителям разных народов Кавказа и России.

АЛ СЁЗ

Бисмиллаахир рахмаанир рахиим

Дунияны къурагъан, неге да кючю джетген, бизге Ислам динни саугъагъа берген, кесини уллулугъун, къудуретин ачык этген Аллахха махтаула беребиз. Бизни арабыздан кесибизге келечи этиб ийген, бизге багъалы Мухаммат файхамбаргъа (Аллахны саламы анга болсун) кёб игилик джорала деб тилейбиз.

Россия Федерацияны джазыучуларыны, журналистлерини Союзларыны члени, фахмулу къарачайлы поэт Лепшокъланы Хусеинни Ислам динни юсюнден джазгъан «Сууаблыкъны джолу» деген 1-чи назму китабы адамланы ий-нанмакълыкъгъа, сууаблыкъгъа, дунияланы бийи Уллу Аллахха къуллукъ этнуге чакъырады. Аны магъанасы теренди, тили байды. Ол китаб Бир Аллахны бизге белгили 99 аты бла байламлы 99 назмудан къуралгъанды. 2006-чы джыл анга редакторлукъ этген, ал сёз джазгъан да Къарачай-Черкес Республика бла Ставрополь крайны муслиманларыны дин Управленисини къадысы, Абу-Ханифа имамны атын джюрютген Ислам институтну ректору Бостанланы Исмаил хаджи эди. Ауушханды, джандетли болсун.

Джангы джазгъан «Аллахны атлары» деген экинчи китабында Къарачай-Черкесияны халкъ поэти Хусеин Лепшокъ улу Бир Аллахны мий-

ик сыйы болгъан бизге белгили 99 атына, 99 назму этгенди.

Уллу Аллах кеси-кесин алаамат атла бла бегитгенди. Аланы Мухаммат файхамбаргъа (Аллахны саламы анга болсун) билдиргенди. Къураучуну атлары Сыйлы Къур'анда ачыкъланадыла. Аллахны 99 атын эсинде тутхан, аланы дженгил-дженгил къайтарыб айтхан ишексиз Джандетге барлыкъды, деб айтылады хадисде.

Дунияда болгъан затны ким къурагъанды? деб сорулса, АЛЛАХ дерикди, адам улу. АЛЛАХ деген ат баш уругъа тыйыншлыны бир атыды. Ол кесини алаамат атларыны юслеринден сыйлы Къуранны аятларында хапар айтады.

"АЛЛАХНЫ бек алаамат атлары бардыла: чакъырыгъыз Аны ала бла эмда Аны атларыны юслеринден бузукъ этгенлени къоюгъуз. Алагъа берилликди этген ишлери ючюн". (Тыйгъыч 180).

АЛЛАХ кеси-кесин бек алаамат атла бла бегитгенди. Аланы сыйлары бек уллуду. АЛЛАХХА берилген адамла ол затны билирге керекдиле. Аны бизге АЛЛАХНЫ келечиси Мухаммат файхамбар (АЛЛАХНЫ саламы анга болсун) билдиргенди. Ол айтханды:

"АЛЛАХНЫ токъсан тогъуз аты барды, джюзге бир джетмейди. Аланы ким айтыб чыкъса, ол джандетде боллукъду". (Бухари, Муслим).

Ким айтыб чыкъса аланы, деген сёзледе, Исламны алимлери этген сагъышларында:

окъуб чыгъаргъа, эсде тутаргъа, азбар билирге, ол сыйлы атланы юслеринден сагъыш этиб, магъаналарын сезиб, анга кере джашауну къу-
раргъа тыйыншлыды, деген магъанала да бар-
дыла.

АЛЛАХНЫ атлары, мёлеклеге, файхам-
барлагъа, АЛЛАХНЫ башха къурагъанларына
белгили болгъан, Къуранда сагъынылгъан
токъсан тогъуз бла бошалыб къалмайды. Богъ-
ан билим АЛЛАХНЫ кесиндеди. Ол бизге
юретгенден ары билмейбиз. Бизни билимибиз
андан ёрге джетмейди. Махтауларыбыз
АЛЛАХХА. Ол - уллу билимлиди, терен
акъыллыды.

Лепшокъланы Узеирни джашы Хусеинни
бу сыйлы китабы кертти бай, дамлы къарачай
тилде джазылгъанды. Муну окъугъан, бизни
къураб джан салгъан Уллу Аллахны юсюнден
терен хапар билирге мадар табады. Мен, бу
сыйлы китабны муслиманлагъа бек керекли
хайырлыгъа санайма. Джазгъанинга, окъугъанин-
га, тынгылагъанинга да Аллах рахматындан бер-
син.

КАТЧИЛАНЫ Казим хаджи,
Черкесск шахарны имам-хатыбы,
Къарачай-Черкесияны Ислам динден
алимлерини советини члени



КЪУТХАРЫЛЫУ

Адам улу, ийнанганла АЛЛАХХА,
Уллу атла бла Ол кесин бегитгенд.
Эшитигиз, эс ийигиз Патчахха,
Тамамд, къутхарыу къанатын керилтгенд.

Мийикдиле атларыны сыйлары,
Джууукъдула, джазылгъанла Къуранда.
Къарыу бередице деу къанатлары,
Айтылалла суралада, аятлада.

Алапат атланы хаман эсгериб,
Кече, кюн да таймаздан сагъынайыкъ.
Сууаб этиб, санларыбыз кенгигериб,
Махтау бериб, Бир АЛЛАХХА
къайтайыкъ.

Унутмайын уллу атланы айтхан,
Сакълаб тургъан теренинде джюрекни.
Сууаб этиб, игилик бла джашагъан,
Кириб барып теренине Джандетни.



АЛЛАХНЫ БЕК АЛАМАТ АТЛАРЫ







АЛЛАХ

АЛЛАХ бирди, Анга джокъду ушаш,
Таркъаймайд кючю, махтаулуд, джууаш.
Хорланмазлыкъды, деую кёрюнед,
Терен эси Аламгъа бёлюнед.

Люуюлдемейди, Аны бир аты,
Уллу магъана байланыб къаты.
Чексизд болуму, къудуретлид къолу,
Адам табынырчад, сейирди джолу.

Лагъымлыд АЛЛАХ, къарайд бар затха,
Къайгъырыб кючю джетед хар атха.
Ишлейди, онглулугъун билдиред,
Сыйны, уллу махтауну кёлтюред.

Акъылман, джетишеди, хорлаучуд,
Тенглик, эркинлик, бериб джокълаучуд.
Кёклени, джерни, Олду къурагъан,
Кюнню, Айны да тенг бойсундургъан.



Хаким Къуранда, къатлаб, къайытад,
Джашау джолну толу ангылатад.
Джандет, Джаханым боллугъун айтад,
Адам улуну эсин сагъайтад.

АЛЛАХНЫ айтыб аламат атларын,
Махтау берейик керти тыйыншлыгъа.
Толтуруб Аны берген буйрукъларын,
Кючлю байланайыкъ биз сууаблыкъгъа.





ХАТЕРЛИ

ХАТЕРЛИ аллын бурады, кёред,
Инсаннга халал, чомарт кюч беред.
Джанланы толусу бла иманлайд,
Хатер этиую ачыуун хорлайд.

Ийнаннган кюлун тюз джолгъа салыб,
Аны тилегин, тобасын алыб,
Динде бардырыб, береди саугъа,
Чыгъарад адамны кютхарыу таугъа.

Эркинлеб, кенгнге чачад халаллыкъ,
Игилик, ашхылыкъ, джумушакълыкъ.
Дуниягъа беред сау - саламатлыкъ,
Туудуруб джерде сый, аламатлыкъ.

Бизни сюеди, АЛЛАХ кючакълайд,
Джаратхан джанын джылы ийнакълайд.
Кёрюннген, кёрюнмеген хар затда,
Ашхылыкъ тегед, мингле бла кятлаб.



Рысхылы этиб, джер юсюн джасайд,
Учсуз, кыйырсыз, хатерлик кьатлайд.
Бизге ариулукъ, келед игилик,
Хауа солутуб, беред тирилик.

Чакъдырад джерни юсюнде хазна,
Адамгъа беред билим бла джазма.
Ол, кьаратады тау табигъатха,
Тёп-тёгерекде сейир кьууатха.

Къурагъан затыны беред ашауун,
Болушуб, хаман джакълайд джашауун.
Дуняда игид бютеу игиледен,
Хатерлиди Ол, хатерлиледен.

Хатерлини, джюрегибиз бла ангылайыкъ,
Сингдирейик эсибизге сууаблыкъны.
Джаханимни отундан кенгде кьалайыкъ,
Унутмайыкъ, айтайыкъ атын АЛЛАХНЫ.





ХАЛАЛ

ХАЛАЛ адамгъа кемсиз къайгъырад,
Терен ангылаб, сый бла толтурад.
Ол зат Аны айбатлы джылыууд,
Бизге берген махтаулу турууд.

Ашхылыкъ джашнай динни джолунда,
Учсуз халаллыкъ турады къолунда.
Ийнанмагъаннга да беред мюлкюн,
Къайтырмед деб, ол тобагъа бютюн.

Лаба зынгырдайд, келеди таууш,
Толад насыбдан джашаулу аууш.
Разы болуб АЛЛАХХА баш ургъан,
Джандетде джашар ийнаныб тургъан.

Адам ичер суу чыгъарад джерден,
Урлукъ чакъдырад, джауум бериб кёкден,
Азыкъ табдырад, этмейд кёлюн сай,
Береди игилик къач, къыш, джаз, джай.



Лилия чагъыб, табигъат джашнай,
Сейир ариулукъ адамгъа къарайд.
ХАЛАЛ бурад ёмюрлени джылларын,
Сюед джумушакъ джюрекли къуллерын.

Бек ХАЛАЛНЫ алайыкъ разылыгъын,
Баш ургъаннга насыб, къанат керликди.
Биз табайыкъ Аны джумушакълыгъын,
Тюз къулуна джандет тёрню берликди.

**Лаба – къобузну къонгураулары*






ИЕ

ИЕ кёкlege, джерге да джетед,
Андан онглулукъ, башчылыкъ келед.
Оноуда, ише джангызлыкъ сакълайд,
Сюйгенин этед, дунияны джакълайд.

Бютеу Аламгъа узатады къол,
Тамамд неси да, излемейд джукъ Ол.
Иелик АЛЛАХНЫ эркинлигиндед,
Дунияда болгъан зат бийлигиндед.

Джыяр Къыямат Кюн хар адамны,
АЛЛАХ кёргюзюр онглу къарамны.
Сюд этиллик кюн, ийнанмагъан джылар,
Азабдан къоркъуб, къалтыраб сарнар.

Джерни юсюнде билим алайыкъ,
Заман ашырмай, хазырланайыкъ.
Биз тюз хайырланайыкъ бюгюнню,
Ие бийиди, Соруллукъ Кюнню.



Кара: 63 69



Бийлеучю кючлюдю, Аламны иесид,
Тутады дунияда керти патчахлыкъ,
Къыямат Кюнде да, сюдю Ол кесид,
Адам улуд, Аны аллына барлыкъ.





ШЫЙЫХ

ШЫЙЫХ кемликден, айыбдан керид,
Кертиди, мийик, сыйлылыкъ джерид.
Аны эслейик тазалаб акъыл,
Кёлден кетермей, болайыкъ такъыл.

Таза хауабыз багъалыд бизге,
Джылыу тегеди алтын Кюн тюзге.
Чучхур, чокъуракъ, амалсыз керек,
Саулукъ береди хар кёгет терек.

Джарыкъ джылтырай, джюрюб барад Ай,
Адамны кёлюн этмейди сый сай.
Аны ёсдюрюб, Ол дараджасын,
Чомарт толтурад нюр ауанасын.

АЛЛАХ таб - тазад, Ол джангылмаучуд,
*Зыянсызды, сейирлик къураучуд.
Джокъду джетишдирмеген бир заты,
Аламны къолда тутады къаты.



Кериди кыяудан, джартылыкъдан,
Бузукъ этиуден, аккыллылыкъдан.
Ашхыд, багъалыд, Ол ёмюрлюкгед,
Мийик дараджаны иелегенд.

Шыйых мийикди, Анга ушаш джокъду,
Атын айтыб, амандан сакъланайыкъ.
Аны тазалыгъы теренди, токъду,
Билиб, учузлукъдан кери кылайыкъ.

**Зыянсызды - бузукълукъсузду, кемликсизди.*





РАХАТЛЫКЪ

РАХАТЛЫКЪ джаяды джашау уяны,
Насыблы этиб адамда дуняны.
Иши игиликди, ашхылыкъ чыкъгъан,
Айыбсызд, кыяусузд, махтау айтылгъан.

Ийнаннган алады тыйыншлы саугъа,
Ёкюнюрге мадар табдырад джаугъа.
Джашаугъа къарауну Ол ангылатад,
Джерни юсюнде тынчлыкълы атлатад.

Джаяды эсенлик, ариу тауушлуд,
Береди адамгъа кюч, ушагъылукукъ.
Чексиз хазнасын, Ол Аламгъа тегед,
Рахат, иги къанатын кенгнге керед.

Сейирлик джашауну тутуб къолунда,
Саугъалайд къулун сууаблыкъ джолунда.
АЛЛАХХА ийнаныб, хар табыннганнга,
Рахатлыкъ береди, Ол баш ургъаннга.



Ашхылыкъ, насыб, къууанчд
муслиманнга,
Тыйыншлы, мийик саугъад ийнаннганга.
Адамла баргъан тюз, сууаблы джол,
Тёзюмлюк ючюн, берилликди ол.

АЛЛАХДАН келеди уллу рахатлыкъ,
Къучакълайд, ийнакълайд, бизни
сууаблыкъ.
Талпыныб, учунуб, мамырлыкъ къарайд,
Адамны тынчлыкълы этеди, джакълайд.

Насыбха бёлейди, игилик беред,
Тюзню, терсни чекген Ол ашхы төред.
Рахатлы нюрюн кенгнге джайыб турад,
Адамны мамыр джашаугъа чакъырад.

АЛЛАХНЫ сыйлы атларын кёб айтыб,
Къуру да сакъланайыкъ джарлылыкъдан.
Рахатлыкъ, сау - эсенлик бизге къайтыб,
Чыгъайыкъ мийикге, къолайсызлыкъдан.



ЫШАНГЫЛЫ

ЫШАНГЫЛЫ берген сёзюне толуд,
Кертиликни кючю иннетид, джолуд.
Ол хар адамны буюрад джазыуун,
Азабдан сакълайды джанын, къарыуун.

Къайгысыз джашау инсанлагъа теджейд,
Сабырлыкъ, джууашлыкъ, шошлукъ
керелейд.

Сёзюне кертилик тутхан къадамад,
Этген ишлери ажимсыз аламат.

Ол аллын бурады, келеди тынчлыкъ,
Ариу кёрююунден, хатер, ашхылыкъ.
Къайгырады, къоркъуусузлукъну беред,
Ачыкъ джарыгъы къанатларын керед.

Бойсуннган Андан алад акъыл байлыкъ,
Джюрекге бегимлик, уллу ангылыкъ.
Джанына къууанчылыкъ, керти зауукълукъ
Табады, кёрюб дуния ариулукъ.



Ол алдаулукъну, кършоулаб кърутада,
Тюзлюкню, кертиликни тёрюн тутад.
Къруларын джакълайд кърыйын болумлада,
Кючю бла сакълайд, джашау сынамлада.

Ийнанмай джашагъан азабла чегер,
Джаханим тёрде къран джыламукъ тегер.
АЛЛАХХА баш ургъанла кърууанырла,
Джандетде кегетледен джубанырла.

АЛЛАХ бек кертиди берген сезюне,
Адамны этгенин тутар кезюне.
Кючлюдю Ол, незатдан да къраруулуд,
Анга ышанайыкъ, тазады, уллуд.

Джаратханлары бла этген кесаматына,
Ышангылы кертиди хар заманда.
Къроркъруусузлукъ береди керти
къруларына,
Чексиз, тауусулмазлыкъ кюч бард Анда.



САКЪЛАУЧУ

САКЪЛАУЧУ уллу башчылыкъ
джюрютед,
Ишни эслеб, къараууллукъ этед.
Аны билген, бюсюреу этиб, джарыр,
Махтау, сый бериб, тюзлюк джолда барыр.

Сакълайды, тюрленмейд, эслей билнучю,
Къарайд ёмюрлени ачыкъ кёрюучю.
Сынайды, бир затны иймейди кёзден,
Зорчугъа азаб беред эртделеден.

Адамны джашауун джакълайд, джюрютед,
Тюзлюкню кёртюзиб, анга юретед.
Къурагъан затына азыкъ табдырад,
Аны джашау тангын джарыкъ атдырад.

Хар неге заманны, болджалны салгъанд,
Джорукъгъа сыйыныб, Алам джарыгъанд.
Кюн тыйыншлы къууат табдырад кёкге,
Ол, джылыу, джарыкъ бериб турад джерге.




Татлы ауаз бла джырлайла булбулла,
Саркъалла, эжиу эте, кюмюш суула.
Джашил табигъатда сейирди ушакъ,
Кенгнге джайлады, огъур кюч, къучакъ.

Ариу къайынла, акъ чепгенле кийиб,
Къубулуб, бутакъларын джерге ийиб.
Таурухлуд, сейирди, тегерек, дуня,
Бизге саугъад, табигъат джашил-уя.

Мизам бла байланыб хар зат айланад,
Джорукъиу кючио бла кепге джыйылад.
АЛЛАХ этгенди сейирликни кеси,
Барын Ол тутады, уллуду эси.

Акъ къанат кериб дуня джюзюнде,
Джашайд бирлешлик да джерни юсюнде.
Бютеу Аламда къоруулаучуладан
АЛЛАХ бек игиди, сакълаучуладан.



Сакълаучу кьоруйду тюзюююн кьуллерын,
Ишлерин джашауларын бардырады.
Эсгергенлени тазалайды жанларын,
Рахатлыкъ джулдузларын джандырады.





ХОРЛАНМАЗЛЫКЪ

ХОРЛАНМАЗЛЫКЪ олду, тамам бегиб
тургъан,
Дуня джашар ючюн, толу эсин бургъан.
Анда хыйсаб уллуд, къарыуун керед,
Адамлагъа береди, джашау къудурет.

Башха тюрлюд Анда, туруду хурметлик,
Теренди, уллуду, тазады суймеклик.
Ол бютеу Аламда тутад деменгилик,
Хар этген ишинде кёргюзед бегимлик.

Ёлчемсиз къарыуу дуняда кёрюнед,
Таркъаймайды, кёкlege, джерге бёлюнед.
Къурагъанды ёзенли, чегетли джуртла,
Мийикледе ойнатад, буруб, булутла.

Ол салгъанд Кюнню кёкге, джукъланмай
джанад,
Тюшмей, таймай, аджашмай, бир джолну
барад.
Кюн чыкъмаса, ышармаса, не боллугъед?
Дуня сууукъдан, къарангыдан
толлугъед.



Эртденде Кюн тийдириб, ингирде
батдырад,
Кечеледен сора, огъур тангла атдырад.
Кюндюз ишлегенни, кече солутад,
Кёкден джулдузланы биргелей къаратад.

Джерни тешиб суу чыгъарады, джырлата,
Баш энишге саркъытад, толкъун ойната.
Чакъны бурад, къыш келед, тауладан ауа,
Джерге беред берекет, къар къалын джауа.

Джумушакъ джаз джетеди, ариулукъ
джасайд,
Ашхы хапарла айтыб, суймеклик джашайд.
Ёселле таулада, тюзледе чегетле,
Аяз урса, чайкъалыб кёгет терекле.

Суйюнед, джашнайд, табигъатны тюрсюню,
Салкъын аяз ийнакълайд, джарыкъды кюню.
Таурухлуд, аламатды бютеулей дуня,
Джерни юсю джашауду - сейирлик уя.



АЛЛАХ аланы, башханы тутад бютюн,
Адам джер юсюнде сый бла джашар
ючюн.

АЛЛАХ хорланмазлыкъды, иесид джерни,
Алгъанды кючлюлюкде, мийикде тёрню.

ХОРЛАУЧУ болгъанны онглаяллыкъды,
Анга баш уруб, сыйлы болайыкъ.
Нени да къарыулу эталлыкъды,
Сыйлы болурбуз, Аны сыйлайыкъ.





ХУРМЕТ ИЕСИ

ХУРМЕТ ИЕСИ нюр кесине бойсундурад,
Бийликни кючюн кьолунда тутад.
Джаратханына джашау этдиред,
Бой салдырыб, ёлюмге джетдиред.

Аны деу кючю неге да джетед,
Ёхтемни излеми этилинеди.
Джокъдула, кьаршчылыкъ туталгъанла,
Анга бойсуналла кьуралгъанла.

Кеси аллына болмагъанд адам,
Кючю джетмейди тутаргъа хорлам.
Сагъыш этген аны тынч ангылар,
Онгуз болуб, санлары кьалтырар.

Чексизд кьарыуу АЛЛАХНЫ уллуд,
Бютеу джаратылгъан Аны кьулуд.
Суйсе тыяр адамны ашауун,
Излесе алыр аны джашауун.



АЛЛАХ буюрад инсаннга джазыу,
Берек сіймеклик, джылыу эм къарыу.
Кючю уллуду, халал хурметлид,
Анга тыйгыч джокъ, Ол деменгилид.

ХУРМЕТ ИЕСИ сійгенча къуралад
хар зат,
Излегенин этиу Аны ишиди.
Анга ышанайыкъ, Ол керти къутхарад,
Деу кючю бизге кенг белгилиди.





ОНГЛУ

ОНГЛУ неден да сыйлыды хар заман,
Джангыз Олду алапатлыкъ тамам.
Толу онглулукъ Андад кече,кюн,
Азаб басар сезмегенни юсюн.

Ол мийикди къурагъан затындан,
Нюр джарыкъ тиед сыйлы атындан.
Джангыз бирди, уллу кючню тутхан,
Сейир, алапат, дараджа болгъан.

Къуранда айтад джоругъун, кючюн,
Юлгюлеб, адам тюшюнюр ючюн.
Шахарла, элле сууда батдыргъанд,
Ийнанмагъаннга ёллом табдыргъанд.

Джерде ёхтемлениб айланнганны,
Уллу кёллюлюкню сайлагъанны.
Онглу сыйсыз этер, ыйлыкъдырыр,
Хыликкеге къалдырыб, сындырыр.



Кертид, АЛЛАХ къарыуун билдиред,
Хар къуру да деу кючюн кёргюзед.
Аны билими учсузд, кыйырсызд,
Ол къарыулуд, уллуд, мардасызд.

ОНГЛУ кертиликни тамам джюрютед,
Бек аламатды джаратылыннгандан.
Тюзню терсен айырыргъа юретед,
Баш ур Анга, махтау табарса Андан.





ДЖАРАТЫУЧУ

ДЖАРАТЫУЧУ сейир джашау ишлейд,
Джокъну джаратыб, бар этиб кючлейд.
Анга ол тынчды, бол десе, болад,
Джанны джазыуун, белгилеб, салат.

Ол ишексиз кертини джаратханд,
Адамны дунягъа къаратханд.
Кюч береди къурагъан затына,
Джукъ баралмайд, тенглешиб, къатына.

Джур баланы къаядан къаратад,
Танг белгиде булбулну джырлатад.
Бууну ойнатад, сейир, тамаша,
Кёк бла джер бир - бирине къараша.

Тауда джугъутурланы отлатад,
Джелни мийикледе шош учурад.
Къушха кёкледен къарам атдырад,
Чарсха эмиликлени чабдырад.



Къуртну, къумурсханы да ишлетед,
Адамгъа халал тишлик тишлетед,
АЛЛАХ джаратханд джаны болгъанны,
Джерде, кёкледе башха къалгъанны.

Биринчи къураб, джан салат саннга,
Ахырында ол къайтады Анга.
Кючю бла чыкъгъанд хорланмаз тёрге,
Бирлей турлукъду Ол ёмюрлеге.

Джаратхан затын тюртмейди артха,
Игилик беред Ол джашха, къартха.
Киер кийим, ашарыкъ табдырад,
Дунияда мамыр тангла атдырад.

Ызлауну, марданы ёлчемин кериб,
Бир-бир къулуна уллу кюч бериб,
Сынайд аны, дуня джюзюнде,
Незат этер деб, джерни юсюнде.



Юлгюсюз, кеси таза чыгъарад,
Онглулукъ тутуб, махталыб турад.
Ачыкъды, толуд, Ол бек бегимлид,
Ёмюрлюкдю, кючлюдю, этимлид.

Ушатмай бирге, джазыуун белгилейд,
Адам улуну тюз джашарын излейд.
Кеси бирди, тамам тюзюн этеди,
Хар ишинде муратына джетеди.





Сейир кючюню къарыуун бурад,
Уллу фахмуну, болумну тутад.
Болгъанны, боллукъну, хар сезимни,
Билед, кёред, умутну, тилекни.

Къурагъаны тюлд, чеги, ахыры,
Кёбю, уллусу, болджал тамыры.
Кючюн керелейд хар чыгъарыуда,
Аны джеталлыкъ джокъду къурауда.

Болмагъан затны Ол, бар этиб джаяд,
Анга шагъат, бу джашнагъан дунияд.
БОЛДУРУУЧУГЪА тамам баш урайыкъ,
Тохтамай, сууаблыкъ кючню бурайыкъ.





ТЮРСЮН БЕРИУЧЮ

ТЮРСЮН БЕРИУЧЮ берген тюрсюнюн
сакълайд,
Хар зат Ол чертген ауаз бла джырлайд,
Билиб сейирлик дарман азыгъын,
Аламат кёрюб Алам джарыгъын.

Ол беред аллай болмагъан сыфат,
Джан салгъаныны къарамын тутад.
Экинчи тюбешмезлик аякъла,
Этед хар джаннга энчи джаякъла.

Инсанны джашатад, хазырландырыб,
Ишин этдиред сагъышландырыб.
Ол адамлада къарыу орнатад,
Намыс болумну ачыкъ къаратад.

Бирдеча джокъду башхада чырай,
Кирпикле, кёзле, ачылыб, къарай.
Адеб гюл бирча чакъмайды юсде,
Иннетни хазнасы кёкюрекде.



Халны джулдузу инсанда джанад,
Сагъыш чучхурну тамчысы агъад.
Кёб тюрлю таууш келеди учуб,
Джюрек теренден ауазла чыгъыб.

Бирни ушамайд бирсиге башы,
Санлары, чачы бирча тюлд къашы.
Джашайды джюрек тёрледе сезим,
Хар бир адамда башхады тёзюм.

Тюрлю - тюрлюлле таула, булутла,
Джердеги къуртла эм къамыжакъла.
Мийикде учхан кенгкъанат къушла,
Сууда джашагъанла, джаныуарла.

Тюрсюн бла къурагъанын саугъалайд,
АЛЛАХ хар затын унутмайд, джакълайд.
Тамамды Ол, кёб игилик беред,
Адамгъа сууаблыкъ джол кёрюзед.




КЕЧИУЧИО

КЕЧИУЧИО адамны гюнахын кечед,
Кемлигин кетериб, хурметли этед.
Ол джангыз бирди, кечмскликле ийген,
Анга табынган кьулларын бек суйген.

Керти джюрекден тобагъа къайтханны,
Джалбарыб, гюнахын кеч - деб, айтханны,
Онглугъа кечерге тююлдю къыйын,
Бериб игиликле, кёрюрге сыйын.

Адам мадарлыды АЛЛАХХА айтыргъа,
Тазаланыргъа, тобагъа къайтыргъа.
Халатына инсан мюкюл болургъа,
Джаханим азабладан кьутулургъа.

Къутхарылыргъа, Андан тилегенни,
Ётюрюксюз, кёлю бла излегенни.
Гюнахларын кечиб къояды, алад,
Аманны кетериб, игини салат.



Джюркден алдаулукъсуз ийнаниганны,
Терслигине ёкюноб, кыйналгъанны,
Джашауун Къурандача къурагъанны,
Бир АЛЛАХ кечед, Анга баш ургъанны.

Ол ачыкъ кёргюзгенд, джерде тыйгъычны,
Къоярча адам харамны, джыйгъычны.
Бергенд инсанига дуняда болджал,
Джашауун сезерге болурча таджал.

Джюрекде йинаныу гокка чакъдырсанг,
Кёкюрекде динни тангын атдырсанг.
АЛЛАХ джарыгъын саугъа этиб берир,
Бизге кечим къанатын толу керир.

Унутмайыкъ, Кечиучюно сыйлайыкъ,
Тилейик кечмеклик, тазаланайыкъ.
Сыйлы атын биз айтайыкъ къайтарыб,
Махтаула берейик, джюрекден алыб.



ХОРЛАУЧУ

ХОРЛАУЧУ, неге да тынч джетишед,
Хурметлиди, терк онглаучу төред.
Иги иши дуняда барад,
Уллу хорламны гюлю чагъад.

Джангызды, бирди тамам хорлагъан,
Иелик этиб, барын къаушатхан.
Аны аллындад бютеу къуралгъан,
Джерни джюзюнде хар джаратылгъан.

АЛЛАХ кючюн Къыяматда бурур,
Джерни, кёклени, Ол ауушдурур.
Адам джууаб берлик кюн келир,
Аны аллында инсан сюелир.

Кери этеди, чырмауну адамдан,
Узакъ къоратад джунчууну андан.
Джюрекни тюзетед тик ауушсуз,
Берд мамырлыкъ рахат, тауушсуз.



Дагъыда эркинд *къаза салыргъа,
Къыйышылыкъгъа, азабха тартыргъа.
Барды тарихде аллай юлгюле,
Бурун кёб халкъла болгъанла кюлле.

Джерни юсюнден къуругъанла ала,
Ишлеселе да алтын къалала.
Болур АЛЛАХНЫ хар унутхан алай,
Тюшер азабха бир - бирин талай.

ХОРЛАУЧУ джаяд кенг къанатларын,
Билдиред кючюн, онглу атларын.
Аны неси да чексизди, уллуд,
Бийлик тутад, оноучуд, хорлаучуд.

Бийлик джюрютгениге борчду табынган,
Гюнахын, терс ишин, кеч деб джалынган.
Динни джоругъун бузмайын джашаргъа,
Тыйышылыды, халал азыкъ ашаргъа.

**Къаза - азабха тартыргъа.*



САУГЪАЛАУЧУ

САУГЪАЛАУЧУ хар кьулун саугъалайды,
Ызына излеменд, тюз сыфатлайды.
Чырай бергенд, шор урурча бетинден,
Кертини айырырча ётюрюкден.

Къызгъанмагъан, берекетлид, чомартды,
Эркин къоллу тулпарды, аламатды.
Тилек сакъламай беред кьуллаарына,
Эркин къошад мелхум саугъаларына.

Кёблюк ёмюрлеге Ол бериучюдю,
Байлыкъ, хазналы къанат кериучюдю.
Рахат джашау буюрад ийнанганнга,
Махтаула бериб, Анга кьууанганнга.

Саугъа, эркинлик да анда толуду,
Игилик, ашхылыкъ, суюген джолуду.
Джууаб береди Ол, тилек тиленсе,
Джюрек теренден болушлукъ изленсе.



Тюзлюк тутхан терсине бурулмазча,
Гюнах джыйыб, азабха урулмазча.
Аны къабыл этиб, алад тилегин,
Ашхылыкъгъа байлайд эсин, джюрегин.

Береди кюч, шайтандан сакъланырча,
Тюзлюкню джолунда таукел барырча.
Этед, узакъда къалырча аманла,
Къурурча эм хорланырча джаманла.

Саугъа болуб берилген кёрюнеди,
Сейир джашау дуняда эсленеди.
Шор джарыкъ къуру да бизге тёгюлед,
Джомакъ джанкъылыч мийикде бюгюлед.

Керти джюрекин ашхылыкъ багъады,
Ачыкъ кёллюлюк, суймеклик агъады.
Акъыл, билим, иман бизге берилгенд,
Уллу саугъаны къанаты керилгенд.



Насыб болуб, джангур суу кьуюлады,
Джерден битим, кёгет да джыйылады.
Рысхы, байлыкь, джашау - турмуш
джылытад,
Халал кючно нюрю бизни джарытад.

Тёзиом, сабыр саугъала кенг кьарайла,
Ала тюзлюк, рахатлыкь да джакълайла.
Джандет мюйюшчады, джер болуб саугъа,
Адам улу этмесни анда кьаугъа.

АЛЛАХ бек эркин саугъалайды бизни,
Чомарт кьоллугъа дайым биз кьайтайыкь.
Ол халал хакъны сюеди тюзлюкню,
Керти Саугъалаучугъа бойсунайыкь.





АШАТЫУЧУ

АШАТЫУЧУ берген огъурлуд, татлыд,
Бютеулей джанлагъа джерде багъалыд.
Ашарыкъ, кийим эм юй турмуш, тогъум,
Ийшаныу, сезим, билим, ангы согъум.

Джаратхан къулуна береди, къараб
Игилик, ашхылыкъ, Ол насыб къураб.
Дарман - дары, мюлк, ачха да табдырад,
Керекли зат ийиб, тангла атдырад.

Джашау керекле юлешиб беред,
Ёлчемсиз къучагъын Ол бизге керед.
Саулукълу болурча, таза сууланы
Кергюзед, хазналы тюзню, тауланы.

Табигъат джашнайды, ёселле хансла,
Шоркъулдай суула, юйрей джаныуарла.
Сейирлик къайнайды гюллю талада,
Бачхала чагъалла шош танг алада.



Мадарлайд адамшы, этерча хайыр,
Джыйдырад терек кёгет, нызы чайыр.
Акъялны, билмни береди алгъын,
Исси кюнде джаяд джумушакъ салкъын.

Джашауун сакъларгъа адам, излеб суу,
Кёгетле табмайын, терек болса къуу.
Барлыгъед, топуракъны джырыб, узакъгъа,
Къургъакъгъа, иссиге, тюшюб тузакъгъа.

Байлыкъ - тутурукъ да чыгъады джерден,
Иссаннга буюрулуб хазна тёрден.
АЛЛАХДАНИ табады адам болушлукъ,
Джашауда игилик, ашхылыкъ, токълукъ.

Ашатыучу хурметлид, халалд бютюн,
Джашнатад, къуу этмейди, джерни юсюн.
Болушуучу Олд, адамны джашатхан,
Джанлагъа таза азыкъла ашатхан.



Сыйлы атны кёб кере къайтарыб айтхан,
Къудуретли АЛЛАХХА суююб къайтхан,
Барыр садакъасын, зекятын бериб,
Къуллукъ къучагъын сууаблыкъгъа кериб.





НАСЫБЛАУЧУ

НАСЫБЛАУЧУ ташатынны ачыкълайд,
Билимни ариу гюллерин чакъдырад.
Хатадан сакълаб, адамны ийнакълайд,
Ийнаниганлагъа Ол джарыкъ иор чачад.

Хорлаууду, джашырылгъанны билген,
Дженгиллетеди, ауурлукъну джаннга.
Къыйыплыкъны, Олду узакъ кетерген,
Бизге кез ачдыргъан къууанчлы тагнга.

Таркъаймаз насыбны ачхычы Андад,
Ташатын билимни тамалын билед.
Ийнаниган джюрекни Кесине ачад,
Сюймеклик бла рахатлыкъ беред.

Ышаныу билими кереди къучакъ,
Ийнаныуну Ол керти кючюн джаяд.
Халалны джолун этед кенг, джумушакъ,
Игилик бла тюзлюкге чакъырад.



Береди насыб адамны кьолуна,
Огьурлу кючюн Ол анга бурад.
Ашхылыкь иеди аны джолуна,
Тюзлюк тутарыкьмыд, деб кьараб турад.

Болумну бек ачыкь кьуру да кьоред,
Инсанны халын бек тынч, дженгил этед.
Эслейди хар кьулун, Ол керти тьоред.
Тынчайтхан кючю терк, ашыгьыш джетед.

Кьуранда эсгертиу бард аятлада,
АЛЛАХДАН келед уллу кюч, нюр басыб.
Керти адам табад джакьлыкь хар заманда,
Ийнанганнга болады ол бек насыб.

Багьалыд, тынчлыкьсыз, суююмлю ана,
Огьурлудула аны нюр кьэзлери.
Кюнлюдю дамлы, чомарт джигер ата,
Уллуд дамлылыгьы, джылыд сьэзлери.



Адамны ана эм ата ийнакъяйд,
Джашауда бериб кенг кьюуанч, тирилик.
Къарнашы, эгечи аны кьючакъяйд,
Насыблаучу нед аллай игилик.

АЛЛАХ дуняны этиб алапат,
Саугъагъа бергенди адамгъа аны.
Джашарча, кьюуаныб ол сау - салапат,
Ашырыб кёб насыблы джылланы.

Насыблаучугъа биз кьючакъ керейик,
Тюзиююн джолну барыб таймаздан.
Джашауубузда игилик кёрейик,
Джюрекле толуб керти имандан.





НЕЗАТНЫ ДА БИЛИУЧЮ

НЕЗАТНЫ ДА БИЛИУЧЮ бек
фахмулуду,
Озгъаннга, боллукъгъа джетеди къарамы.
Нюрю, билими Аны теренд, учсузду,
Кёрюнед тюрленмей, кючюню чакъгъаны.

Анга бек гитче иш, акъыл белгилиди,
Джарыкъ нюрюн чачады, Ол чомарт тегед.
Кёлге келген, башда болгъан эсленибди,
Бютеу дунягъа сейир къарам беред.

Ол таша оюмну, сагъышны биледи,
Аны къудурети хар затха бёлюнед.
Адамны умутуна кючю джетеди,
Дамлылыгъы, мамырлыгъы бек кёрюнед.

Букъучукъ тенгли, андан да гитче сезим,
Джашыралмайд кесин, АЛЛАХНЫ
кючюнден.

Адамгъа бериледи хауа, суу, тёзюм,
Билиучю алад хапар аны юсюнден.



Уллуду билими, толуду, тюрленмейд,
Багъалыды, бютеулей Аламны аулайд.
Кесине Ол, башхаладан джукъ излемейд,
Джетишед неге да, адамлагъа къарайд.

Инсан кенг дуниягъа сагъш этерча,
Акъылны кючю Уллу АЛЛАХДАН келед.
Хар къуралгъан джан муратына джетерча,
Билиучю, мадар бериб, анга эсин бёлед.

Билимни алтын Кюню Андан тиеди,
Джарытады Ол бизни, тегюб хазнасын.
Тенгизлеге, джерге да кючюн иеди,
Билдиред адамгъа сууаблыкъ джазмасын.

АЛЛАХНЫ билими къыйырсызды, токьду,
Хапарлыды умутдан, хар богъан затдан.
Ангылайды, Ол билмеген бир зат джокьду,
Чексизди билиую, къарайды туурадан.



Ырысхыбыздан биз садакъа берейик,
АЛЛАХНЫ махтайыкъ, ийиб эсибизни.
Сууаб джолда насыбыбызны кёрейик,
БИЛИУЧЮ биледи не этгенибизни.





КЪЫСЫУЧУ

КЪЫСЫУЧУ, Ол тюзлюгюн кёргюзед,
Бирлеге насыбны аз этиб беред.
Джанны тыяд, ёлюмге бой салдырад,
Джюрекни билдирмегенлей тохтатад.

Кёлдеги умутланы ангыларгъа,
Адамны, иннет байлыгъын таныргъа.
Мадарын къысхартад джаратханыны,
Амалын аз этиб береди аны.

Джаны болгъанны, джансызны
джаратханд,
Джерни юсюне игилик къаратханд.
Аныкъыды байлыкъны хар тюрлюсю,
Джашнагъан хазнаны ачыкъ кюзгюсю.

Бек бай бла бир кесек рысхысы болгъан,
Акъылын бек бёлсюн тюзлюкден толгъан.
Къоллада тутулгъан хар тюрлю затла,
Кертид, АЛЛАХНЫКЪЫЛАДЫЛА ала.



Джашау - турмушну бирге иги этед,
Бирсиде аз болуб энишге кетед.
Адамда сынауну кючю кёрюнед,
Буюрулуб, ол джанлагъа бёлюнед.

АЛЛАХ ийгенди ол сынауну бизге,
Саугъады билгеннге, кертиге, тюзге.
Садакъа бермеген, рысхысыз къалыр,
Къысхартыучу хазнагъа тыйгъыч салыр.

Игиликле излейик биз Уллу АЛЛАХДАН,
Тынгылайыкъ, бойсунайыкъ Анга.
Сууаблыкъ ючюн берейик, рысхыбыздан,
Къызгъанмайыкъ, къутхарыу келир
джаннга.





КЕНГНГЕРТИУЧЮ

КЕНГНГЕРТИУЧЮ игиликле табдырад,
Берирге суйгенин зауукъландырад.
Чомартлыгы бла Ол кьууандырад,
Джаратхан затларына джашау ачад.

Бойсуннганны игилигин керелейд
Къызгъанчсызды, болады ийнакъ, ачыкъ.
Иннет керекле береди, тюрсюнлейд,
Джашауунда акъыл, байлыкъ, чомартлыкъ.

Керти инаннганнга тюз джолну ачад,
Ачыкъ кёллюню ишин дженгилетед.
Таза джюреклеге джарыкъ нюр чачад,
Ётюрюксюзню сууаблыкъгъа элтед.

Джюрекни кюнюню нюрюн урдурад,
Сезимни чучхурун таудан аудуруб.
Чокъуракъ сагъышны джибин бурдурад,
Джарыкъ кьууанчланы чомарт джаудуруб.



Джашауун тюзетед Анга баш ургъанны,
Ангылатад Ислам динни джоругъун.
Джылытад, джрегинден махтау айтханны,
Джандырады аны насыб джулдузун.

Мелхумлукъ къучагъын кенгнге кердиред,
Сууаблыкъны гюлюн сейир чакъдырыб.
Сюйгенине уллу игилик беред,
Мамыр тангларын джаб - джарыкъ
атдырыб.

Къызгъанмай садакъа бергеннге эркин,
Бир АЛЛАХДАН кёб къат келир игилик.
Ёхтем тутмай башын, баргъаннга джертин,
Кенггертиучю берир насыб, тирилик.





СЫЙСЫЗ ЭТИУЧЮ

СЫЙСЫЗ ЭТИУЧЮ бек мугурландырад,
Анга сыйынмагъанны унукъдурад.
Хыликкелик этеди, ыйлыкъдырад,
Аллайланы быргъайд, учузландырад.

АЛЛАХНЫ тамам алапат джоругъун
Тутмагъан, бармагъан тюз динни джолун.
Сыйын тюшюред, юсюн азаб басад,
Халы седирейди, болуму азад.

АЛЛАХ аудурад хыйла джюрекдени,
Харамлыкъ бла джашагъан иннетлени.
Агъызыб, къоратады дараджасын,
Кёргюзеди адамлыкъсыз хазнасын.

Аны башын къайгъы азабха къояд,
Къоркъуу джанларына, къанына джаяд.
Уллу гюнахда аягъын тайдырад,
Тыйыншылысыча бек такъыр бардырад.



Нек джаратылдым? - деб, сагъыш этгенни,
Сейир дунягъа кёзю джетгенни,
Башына акъылын толу джыйгъанны,
Амандан, терс ишден кесин тыйгъанны

Сыйлайды, дараджалы мийик махтайд,
Аны атмайын, игилик бла джакълайд.
Сыйсыз этед, сагъышсыз джашагъанны,
Сезиб, тюшюнюрге унамагъанны.

Кертиди, ийнанмагъан джазылгъанны
Кёрмейди, эшитмейди айтылгъанны.
Аллай сангырауду, сокъурду, малчад,
Билирге излемейд, ол хайыуанчад.





МАХТАУЧУ

МАХТАУЧУ джарыкъны, джылыуну иед,
Анга баш ургъанны сыйын кёлтюред.
Болумун ашхылаб, сейир ийнакълайд,
Мамырлыкъ, тамашалыкъ да Ол къурайд.

Мийик дараджагъа дери джетдиред,
Халын иги этиб, тазалыкъ беред.
Чомарт къаратады къууанчлы тангдан,
Ол излемейин джукъ сууаблы джандан.

Тарихде кёрюнед, келечи ийиб,
Билдириб адамгъа, джюрекге тийиб
Айтханд, джорукъ бла джашарын
инсаннга,
Ийнаныб, баш уругъа борчлусун Анга.

Чыгъыб къарангылыкъдан, джахилликден,
Туруб, силкиниб, джукъ билмегенликден.
Къоюб, адебсизликни, дюргенликни,
Атыб хыныны, ишленмегенликни.



Мадар бергенди, тюз джолгъа чыгъаргъа,
Адамгъа сууаблыкъ къатлаб атларгъа.
Игиликни, тюзлюкню да кёрюрге,
АЛЛАХХА джюрегин керти керирге.

АЛЛАХ бюсюреулюдю, бек махтаучуд,
Сюйген къулун мийикге чыгъарыучуд.
Джарытыб аны, сыйын уллу этед,
Багъышлаб, джюрек хазнасын кенггертед.

Махтаучу джайгъанды иелик къанат,
Джарыгъы, нюрю ёмюрлюкге джанад.
Тюз кёлюбюз бла АЛЛАХНЫ сюейик,
Биз къутхарылыб, махтау, сый кёрейик.





КЮЧ БЕРИУЧЮ

КЮЧ БЕРИУЧЮ Ол юлешиб туурадан,
Къууандырад рахат, мамыр джашаудан.
Джарсыуну къоратыб, береди хорлам,
Мийик болум бла этеди байлам.

АЛЛАХДАН сора джокъду кюч, къудурет,
Адамгъа къарыуну тазасын беред.
Акъылманды Ол, чексизд, билимлид,
Кючю къыйырсызд, алапат этимлид.

Джерде адамгъа игилик табдырад,
Аны хар тангын къууанчлы атдырад.
Аллах ийиб адамны джер юсюне,
Уллу борч салгъанды, бар деб тюзюне.

Джарыгъын, суймеклигин анга ийгенд,
Кеси башына эркинлик да бергенд.
Этгенди джерни джараулу адамгъа,
Джетерча ол уллу, джарыкъ къууанчха.



Джер чайкъалмазча салгъанды тауланы,
Джарашдыргъанды сууланы, джолланы.
Кёргюзюб ышангылы, джарыкъ билим,
Этеди, кёб игиликледен тигим.

Тюз адам джашауну сейирин кёред,
Джюреги учунуб, бек ариу тебед
Сакълайды бетин, намысын, уятын,
Иги бла айтдырад сууаблы атын.

АЛЛАХ берген кючюн тюз хайырланад,
Анга баш уруб, керти зауукъланад.
Уллу хорламланы тутад кьолунда,
Садакъа береди джашау джолунда.

КЮЧ БЕРИУЧЮНЮ бизге тиед кюню,
Анга ийнаннганны джарыйды тюню.
Игилик этерча адамда санла,
Баш урайыкъ Анга, джарырча джанла.





ДАРАДЖАНЫ ТЮШЮРЮУЧЮ

ДАРАДЖАНЫ ТЮШЮРЮУЧЮ төбен
къаратады,
Ийнанмагъанны къыйнайд, сарнатады.
Сыйсыз тюшюреди энишге тахтадан,
Мадарсыз этиб, кетереди насыбдан.

Хорламны кючю къууанчлы джырыды,
Джашауну юзюлмезлик тамырыды.
Билмейди, незат да да, Ол чырт арыуну,
АЛЛАХ ёмюрлюкге сезмейди талыуну.

Ийнанмагъанны суймеую кертиди,
Ол тюзлюкню, ашхылыкъны бетиди.
Терсни айыбына тюбетед, алыб кючюн,
Таркъаймай джерде тюзлюк джашар
ючюн.

Бирле, ийнанмайын, ёхтем къарайла,
Харам рысхыгъа алданыб джашайла.
Аланы, азабла туралла тутханлай,
Учузлукъ къучакълайды къаты
къысханлай.



Кирли джюрекни сыйсызлыкъ басады,
Намыссызгъа къурчлу бугъоу атады.
Аллай бу дуняда тыйыншлысын табад,
Ол бир дуняда аны джаханим джутады.

Уллу кёллюге азаб бериледи,
Ёхтемге, бёгекге да ол кериледи.
Аны къарыуу эм рысхысы таркъаяды,
Сыйсызлыкъ кючлеб, джерде аягъы таяды.

Бир АЛЛАХНЫ кючю учсузду, токъду,
Андан аланы къорурукъ зат джокъду.
Ишлери ючюн азаб бла таралыб,
Отха барлыкдыла, бетлери къаралыб.

АЛЛАХХА джюрегинден ийнанмагъанны,
Бюсюреу этиб, Анга разы болмагъанны
Унугъуу, ашыгъыб, керилиб, къучакълар,
Сыйсыз этиб кетмейин, анда туракълар.





НЕНИ ДА ЭШИТИУЧЮ

НЕНИ ДА ЭШИТИУЧЮ сезиулюд,
Кёкледе, джерде уллу фахмулуд.
Ангылауу къалайлагъа да джетед,
Тауушланы бирча, бирге эшитед.

Эшитиую бла богъанны аулайд,
Эс ийиб, дуняны ангылайд.
Джашырылыб, бир зат бугъуналмаз,
Ол эшитмейин чырт къутулалмаз.

Башхад къуралгъандан эшитиую,
Деменгилид билиую, этиую.
Таууш сезиую, учсузд, кыйырсызд,
Аны аллындад дуня булутсузд.

Хар тауушну Ол толу эшитед,
Арымай - талмай неге да джетед.
Эм ташатыннга ачыкъ тынгылайд,
Сезиуюню кючюн бурады, къатлайд.



Кёзню джумуб ачхынчы заманда,
Ол эшитед богъанны Аламда.
Бир АЛЛАХ адамгъа джууукъду бек,
Тилегин алыб, джууаб беред терк.

Алай этген бек тынчды АЛЛАХХА,
Джашау къураб, джашнатхан Патчахха.
Аны деу кючю нюр джарыкъ тегед,
Тынч, тыйгъычсыз, ёмюрледен ётед.

Бугъуналмайд сёз не таууш Андан,
Тынч, дженгил алад Ол хапар джандан.
АЛЛАХ аулайды бютеу Аламны,
Тобасын къабыл этед адамны.

АЛЛАХДАН башхагъа биз баш урмайыкъ,
Алданыб, терс джолгъа къарам бурмайыкъ.
Ол эшитеди, биледи хар нени,
Туурада тутады ненги да сени.





НЕЗАТНЫ ДА КЁРЮУЧЮ

НЕЗАТНЫ ДА КЁРЮУЧЮ бек биледи,
Джашырылгъанны, ачыкъны кёреди.
Тюрленмейди кёрюую ёмюрлюк байд,
Толурукъну гюллери Аны джасайд.

Таймаздан бек уллу хыйсаблыд, бирди,
Бузмагъан хурметлид, ашхыд, кертиди.
Джерни юсюн нюр джарыкъдан толтурад,
Саулай дуняны къолунда тутад.

Аны кёрюую Аламны аулайды,
Богъан зат иелигинде джашайды.
Узакъгъа, джууукъгъа къарамын бурад,
Хар замандагъы, ёмюрлюкге турад.

Мени кёрмейди, деген джангылады,
Аны саулай акъылы аджашады.
Таша джерде болса да джашырылыб,
АЛЛАХХА кёрюнеди, ол ачылыб.



НЕЗАТНЫ ДА КЁРЮУЧЮ аламатды,
Сейир ариулукъду, сау - саламатды.
Аны къарамындан нюр джарыкъ тиед,
Керти къулларын, Ол сыйлайды, суюд.

АЛЛАХ кёрюб турад къайда болсакъ да,
Биз джарлылыкъдан, рысхыдан толсакъ да.
Букъудан дженгилни да эслейди Ол,
Небизге да шагъатды, игиден тол.

Тилек тилейик, садакъа берейик,
Сууаблыкъ тутуб, игилик этейик.
Кертиди, АЛЛАХ нени да кёрюучюд,
Хар адамгъа тыйыншлысын бериучюд.

Кертини тюрлендирген билинеди,
Адамны къымылдауу эсленеди.
Ийнаныу кючюнгю ёсдюр тансыкълай,
Барырса джандетге сууаб ийнакълай.





СЮДЮ

СЮДЮ эм уллуду, эм мийик сюдюд,
Аламны аулагъан Аны деу кючюд.
Олду тюзню ётюрюкден айыргъан,
Сюдюлюк кючюн кенгнге рахат джайгъан.

Терен акъылны гюлю Анда чагъад,
Уллу билимни къанатын Ол къагъад.
Бютюн тюздюле этген бегимлери,
Бизни аулайла керти сезимлери.

Уллу кючю барды хар этиуюню,
Нюрю джарытад бютеу кёрюуюню.
Тюб - тюз сюдюден киши къутулалмаз,
Тёрени оноуун бир зат бузалмаз.

Джашар ючюн, адамгъа джер берилгенд,
Акъыл, билим анда эркин керилгенд.
Игиликни тутхан табар этгенин,
Кёрюр терс иннетли неге джетгенин.



АЛЛАХ сыйлы Къуранны бизге ийгенд,
Джангы, киши билмеген, затны бергенд.
Джашау хазнад ол, керти джол кёргюзед,
Инсаннга билимни беред, юретед.

Не тюрлю джашау болумда да Анга,
Иги къараргъа керекди адамгъа.
Уллу АЛЛАХДАН кёб тилекле тилеб,
Иманын бек кючлю этерин излеб.

ТЁРЕ айырыб гюнахны, сууабны,
Адамдан аллыкъды керти джууабны.
Терс, тюз ишлери аны чегилиб,
Инсаннга берилликди багъа, керилиб.

Эки дунияда да саугъа алыр ючюн,
АЛЛАХХА бурайыкъ джюрекни кючюн.
Къуран кёргюзгенча джашайыкъ бирге,
Биз къууанайыкъ, батмайын кирге.





ТЮЗЛЮКЧЮ

ТЮЗЛЮКЧЮ, адилсизликден тазад,
Эркинлик бермейд, ол затдан тыяд.
Ийнанмагъанлагъа да тюзлюк тутад,
Керти къулларына бек къайгъырад.

Оноу этиуде тюзлюкдю неси да,
Хар адамгъа тыйыншлы сый беред.
Уллу тюзлюкню тёрюдю, кеси да,
Джан басмайд, тюзлюк къанатын керед.

Эки дуняда да, Ол тюзлюкчюдю,
Этгени акъыллылыкъны тюзюд.
Аны, ол таркъаймазлыкъ нюр кючюдю,
Анга шагъат, джомакълы джер джюзюд.

Берекет берген толкъун шоркъулдайды,
Сюеледиле акъкъанат таула.
Джерни юсюнде джашау боркъулдайды,
Мийикде учалла ётгюр къушла.



Тюзлюк тутмагъан азаб чегерикди,
Сыйсыз этген отда, къабыныр ол.
Харам терин, иннетин тегерикди,
Ийнан, аны ючюн сууаблы бол.

Кюмюш бурчагъы тюзлюкню агъады,
Джюрек терню ол, джылы ийнакълайд.
Салкъын аязы, иссиде, къагъады,
Сууаб этгенни сюйюб къучакълайд.

Иги, аман ишге къаралмай къалмайд,
Бирча тюлле, аллында АЛЛАХНЫ.
Сюзед хар затны да, Тюзлюкчю талмайд,
Джашатыр хазнасында адамны.


Тириллик Кюн адам ишин керлюкдю,
Алайда Тюзлюкчю сют этер анга.
Бек гитче ишге да, эсин беллюкдю,
Тюзлюк керюнюр хар бир инсаннга.



Тюзге, кертиге саугъа берилликди,
Этген антынга, ишинге керти бол.
Джууаб бериб, къанат керилликди,
Сууаблы хазнанг джашнаб, насыбдан тол.

Кёб рысхыгъа, зауукълукъгъа алданмай,
АЛЛАХНЫ аллында чыдамлы болайыкъ.
Биз терсликни теренине сайланмай,
Къыйын болумда да, тюзлюк тутайыкъ.





ДЖИТИ АКЪЫЛЛЫ

ДЖИТИ АКЪЫЛЛЫ, Аламгъа бѣлюнеди,
Этиуюнде чомартлыгъы кѣрюнед.
Адамдан хыянатны кетереди,
Инсанлагъа, керек насыб джетдиред.

Аланы асырайд, джазыкъсынады,
Джер юсюнде джашауну дженгиллетед.
Тынчлыкъ табдырыб, солуу алдырады,
Ашхылыкъ, джаратханларына, этед.

Иги иннетликге джол кѣргюзеди,
Аланы сакълайды, Ол аманлыкъдан.
Огъурлулукъну, тюзню сюйдюреди,
Къаратады рысхыдан, сууаблыкъдан.

Ийнаннган, джюрекден салам иеди,
АЛЛАХХА разыд, тыйыншлыды сыйгъа.
Джерде борчун толтурургъа суюеди,
Джашау джолда барад, тюзлюкге, алгъа.



ДЖИТИ АКЪЫЛЛЫ, игилик этеди,
Билим бла сауғалайд билимсизлени.
Аны къалайгда нюрю джетеди,
Джашнатады тюзюуюн сезимлени.

Кёкде кюмюш Айны джылтыратады,
Сейирлик кюзгюсюн джерге урдуруб.
Алтын джулдузланы бизге къаратады,
Аланы отдан джылыудан толтуруб.

Ол, хар ийнанганнга, керти нёгерди,
Джакълайды аланы къууанч джарытыб.
Къутхаргъан, бегитген джангыз
джёнгерди,
Алгъышлайды, насыб таудан къаратыб.

Джаратхан затларын терен сезеди,
Ангылайды, терк джетеди алагъа.
Халаллыкъ, джумушакълыкъ да береди,
Чыгъарыб иманлыны насыб таугъа.



Джангур джаудуруб, джерни джасатады,
Мийик кёкде учурады кьушланы.
Игилик бериб, бизни джашатады,
Анга бурайыкъ джюрек сагъышланы.





ХАР НЕДЕН ДА ХАПАРЛЫ

ХАР НЕДЕН ДА ХАПАРЛЫ эслемей
кьоймайд бир зат,
Ол таша умутну билед аламат.
Кёкледе, джер юсюнде зинг бугъуннган,
Ол билмеген зат джокъду, джашырылгъан.

Башлагъан сагъышынг ачыкъды Анга,
Ташатын умутунгу айтыр санга.
Болмайд Хапарлыдан джашырылгъан зат,
Бек кючлюдю, магъаналыды бу ат.

Теренди акъылы уллуду, токъду,
Андан кьутулаллыкъ Аламда джокъду.
Болгъанны, боллукъну билед кьуру Ол,
Амандан тыйылыб, сен насыбдан тол.

Ийнаннганла Хапарлыдан кьоркъайыкъ,
Тюзлюк джарытыб, сууаблыкъ
джакълайыкъ.
Тёгюледи джарыгъы башыбыздан,
Къараб турады бизни туурабыздан.



Толу хапарлыды Ол джерни юсюнден,
Терен билимлид, дуня джюзюнден.
АЛЛАХДАН бугъуб бир зат къутулалмаз,
Не лагъым этсе да, узакъ кеталмаз.

Кенгликле, заман да, Анга бойсунад,
Хар джан баш уруб, бек къууаныб тууад.
Биледи ёмюрледе не болгъанын,
Заман, джюрек, акъыл неден толгъанын.

АЛЛАХНЫ джолунда этмеген джоюм,
Осал адамды, анга болмаз тоюм.
Къызгъанчд джюреги, кемизлид,
къарыусузд,
Сыйы учхарад, джукъады эм учузд.

Халал азыкъ ашаб, игилик къатлаб,
Ашхыды тюз баргъан, сууаблы атлаб.
Ёмюрлюк джашагъан, Ол сени кёред,
Сюд этерикди, тюзлюк тутхан тёред.



Къарайды алтын Кюн джылы ышарыб,
Танг белги береди, нюрю кызарыб.
Сейирлик къурайды, джашнайды Алам,
Джырласын аны юсюнден хар къалам.

Огъурлукъну джулдузун джандырайыкъ,
Рысхыбыздан джоюм эте барайыкъ.
Болушайыкъ ийнанган онгсуз джаннга,
Чыгъар ючюн сыйгъа, биз огъур тангнга.





САБЫР

САБЫР эслесе буйрукъдан джанлагъанны,
Тынгыламагъанны, этмейин къойгъанны.
Ашыкъмайд айыбына тюбетирге,
Заман береди анга тюзелирге.

Ийнанмагъанны мадарлайд тюшюнюрге,
Анга рысхы бериб, къояд суююнюрге.
Ачыуу, хорлаялмайды сабырлыгъын,
Аны кючю билдиред тамамлыгъын.

Бу ашхы сейир атны терен сезгенни,
Эсин, сезимлерин, Анга бек бёлгенни,
Джашау джолу тюз магъаналы болур,
Уллу басымлыкъдан джюреги толур.

Сабыр чакъдырад гюлюн хар умутну,
Джашнатад, биз джашагъан сейир
джуртну.

Татлы тилде рахат, булбул джырлатад,
Чууакъ кёкде джанкъылычны ойнатад.



Бизге ийгенди АЛЛАХ сыйлы Къуранны,
Кёргюзюб къалай джашарыгъын адамны.
Анда джашау, джерде сынау кёрюнед,
Тюзлюкге, аманлыкъгъа эс бёлюнед.

Джашауну, ёлюмню юсюнден айтылад,
Джандетге, бла джаханимге да къайтылад.
Аны, кёб адам излемейд окъургъа,
Саналалла ала джюрек сокъургъа.

Аллайла тутмайдыла динни джоругъун,
Алмайла, багъалатыб ашхы къорлугъун.
АЛЛАХ салгъан мизамгъа сыйынмай ала,
Джашайла терсине, гюнахдан тола.

Сабырны уллуд халал кючю, къарыуу,
Сейирди рахат сезимини барыуу.
Буйрукъларын толтургъан тюлдю къыйын,
Сен тёзюмлюню излемине сыйын.



Керекди адамгъа тынчлыкъ,
джумушакълыкъ,
АЛЛАХХА сыйынмакълыкъ,
бойсунмакълыкъ.
Алай бла къучакъларгъа ашхылыкъны,
Джаяргъа игиликни, джууашлыкъны.





КИШИ ДЖЕТАЛМАЗЛЫКЪ ДАРАДЖАЛЫ

КИШИ ДЖЕТАЛМАЗЛЫКЪ ДАРАДЖАЛЫ

Бютюн махтаулуд, Ол алапатлыкъ.
Толу ангыларгъа Аны болумун,
Бир къарыу, кюч джокъду, бар
онглулугъун.

Алапат атны хар айтхан джумушакъ,
Сыйланыр, этер насыб бла ушакъ.
АЛЛАХХА кече, кюн махтаула берир,
Адебли, намыслы, къучагъын керир.

Къыйырсызд, чексизд, уллуду махтауу,
Башха тюрлюдю, сйирд ийнакълауу.
Аныкъыд космосдагъы, кёкледеги,
Къолда тутхан иеникид, джердеги.

Кёк кёлтиореди ауур булутланы,
Ала ташыгъан багъалы саугъаны.
Таулада, тюзледе, джашау орналгъанд,
Ислам дин, ийилиб, насыбдан толгъанд.



Уллу дуняда бек кёб зат джашайд,
Барыда, Бир АЛЛАХ бергенни ашайд.
Миллиартла бла галактик, къурулуб,
Туралла миллиард джылланы бурулуб.

Алатлыгыны учады кючю,
Дуня хурметлениб джашар ючю.
Сезген, кёб сагыш этген джууукълашыр,
Билимни хазнасы бла къучакълашыр.

Аны хорлаялмай джукъу, не арыу,
Джашайд, кёргюзюб азаймагъан къарыу.
Патчахлыкъ тахтасын джаяд кёклеге,
Кючюн учурады хурметли джерге.

АЛЛАХ чыгъарады Кюнню чыгышдан,
Батдыра ышартад, аны батышдан.
Джылыуун, джарыгъын тегеди аты,
Унутмай аны эсингде тут къаты.





КЕЧИУЧЮ

КЕЧИУЧЮ хар джаратханын,
Джазыкъсынады, кечеди гюнахын.
Тыяды аны аманлыкъ этиуден,
Джангылгъандан бла терсине кетиуден.

Адам мадар табад мюкюл болургъа,
Сокъураныб ёкюнюуден толургъа.
АЛЛАХ къурагъанды бизге аллай
таблыкъ,
Тобагъа къайтханнга этед Ол джакълыкъ,

Ийнанган джаннга кёб игилик беред,
Кечиучю къанатын кенгигине керед.
Уллу, гитче гюнахланы къурутад,
Аны, къоркъуусуз, рахатлы джашатад.

АЛЛАХХА ийнансакъ, биз разы болсакъ,
Амандан тыйылыб, сууабдан толсакъ,
Бир азаб чекдирлик тюлдю Ол бизге,
Разы болуб, саугъа берликди тюзге.



Насыбны кючюн, къучагъын керилтир,
Кечиб, джалбаргъан инсанны тирилтир.
Бисмилляхи, деб ишин башлагъанны,
Зауукълукъда да Аны сагъыннганны.

Ол тыйгъанладан, кесин сакълагъанны,
Сууаблыкъгъа тырмашыб атлагъанны
Кечмеклик Бериучю тазалар джолун,
Сууабдан толтурур чомартлы къолун.

Бу сыйлы атха сен, сагъыш этиб, къайт,
Сюйюб, разы болуб, кёб къайтарыб айт.
Мыдахлыкъ, ауруула сенден кетерле,
Уллу сууаблыкъла дженгил джетерле.

Къыш къарны кёребиз, кюртню, сууукъну,
Ариу джасалгъан кюмюш бузлауукъну.
Акъ рысхы басханды, джерни юсюн,
Тобагъа къайтыб, джашайыкъ биз тюзюн.





БЮСЮРЕУ ЭТИУЧЮ

БЮСЮРЕУ ЭТИУЧЮ игиге разы болад,
Аны ючюн этилген ишни алад.
Джылы кьолун кьулуна Ол узатад,
Кечиб гюнахларын, рахат джукълатад.

Къатлаб саугъала, анга чомарт беред,
Ачыкъ, нюр иннетин тюзлюкге керед.
Хурлу санларын дженгиллеб, алгъышлайд,
Къарыусуз ишин, уллу этиб джакълайд.

Адамны керти, тюз болурун излейд,
Таза джюрекдени хар кьуру тюзлейд.
Ачыкъ кёллюню джарытад, тазалайд,
Ашхы зат бериб, тыйыншлыгъа къарайд.

Разы болгъан кьулун насыблы этед,
Анга таркъаймагъан игилик джетед.
Бюсюреулю болуб айтхан хар атын,
Исси кюн табар къутхарыу сусабын.



Таза джюрекден тилегеннге тилек,
Аллахны кечими боллукъду билек.
Динни джолунда кёргюзген тирилик
Табар БЮСЮРЕУ ЭТИУЧЮДЕН
игилик.

Ачыкъ кёлюбюзден АЛЛАХХА
къайтайыкъ,
Анга разы болуб, махтаула айтайыкъ.
Джашау джолубузда игилик этейик,
БЮСЮРЕУ ЭТИУЧЮНЮ рахматына
джетейик.





ЭМ МИЙИК

ЭМ МИЙИК уллуду, бек кёлтюрюлген,
Тамам сыйлыды махтаула берилген.
Къошакъ къошулгъаннга тюлдю ушагъан,
Джангыз Олд толулукъ болум къурагъан.

Бютеу дунияланы джарытыб къарайд,
Кеси джангыз Аламда джашау къурайд.
Джерде, кёкледе да болгъанны тутад,
Араларыидагъы зат Анга бойсунад.

Джолдашы бла нёгери болгъандан тюлд,
Анга эришген алашад, кёмюр кюлд.
Неден да мийикди, джерге нюр иед,
Кёб хазна бериб, къурагъанын суюед.

Башха джокъду, баш уругъа тыйыншлы,
Халалд, ызына алмагъан чомартлы.
Тюзлюк тутад, къарыулу, деменгили,
Хурмет бла насыб берген къудуретли.



Кертиди, алапатлыкъ Аныкъыд,
Ачыуун хорлагъан джумушакълыгъыд.
Ол беред адамгъа тыйыншылы билим,
Этед тюз иннетден, джорукъдан тигим.

Бу атны айтханны мураты толад,
Иманы бегийди, билими болад.
Насыб юлюшюню джулдузу джанад,
Уллу дараджасыны гюлю чагъад.





БИЙ

БИЙ дараджасы бла кимни да озады,
Деу кючюне, кьудуретине базады.
Алапатлыгы, кьарыуу толуду,
Джангыз тургьаны махтаулу джолуду.

Халы, джарыкьды мийикде джылтырайды,
Ашхы болуму Аламны ийнакьлайды.
Ол хар муратына бек тынч джетеди,
Кьарыулу, суйген затларын этеди.

Махталыб айтылгьан хаман хорлаучуду,
Ёхтем, уллулукь тутхан бек онглаучуду.
Кьарыуу бла Аламда, Анга тенг джокьду,
Кючю, болуму бек алапатды, токьду.

Аламны тинтиб, кьарагьанлай турады,
Тюзлюкню кьайгырыу кючюн бурады.
Ол джанны сагышын, сезимин биледи,
Болгьаннга, боллукьгьа эсин бёледи.



АЛЛАХХА баш ургъанны, Ол
кёлтюрюкдю,
Башхагъа табынган – ол бек ётюрюкдю.
Аны магъанасы теренди, уллуду,
Хар джаратылынган АЛЛАХНЫ
кьулуду.

Джюрегинден суююб бу атны айтхан,
Сууаб ишле этиб, тобагъа кьайтхан,
Насыбха, кьууанчха, кёзлерин ачар,
Ол джарыкъ нюрюн дунягъа чачар.





КЪОРУУЛАУЧУ

КЪОРУУЛАУЧУ олд, хар затны
къурагъан,
Адамны, сакълаб, дунягъа къаратхан.
Джерни башында кёклени таб тутхан,
Тенгизни бла океанны айыргъан.

Джакълыкъ этиучю, Ол бек ышангылыд,
Огъур джарыкълыды, чексиз ангылыд.
Асыраб, къарайд бютеу адамлагъа,
Хазна береди уллу дунягъа.

Сырт бургъан халкъланы азабха урур,
Аллайны башха бла Ол ауушдурур.
Анга къуралгъанла джукъ да эталмазла,
Деу сакълаучугъа къаршчы туралмазла.

Дуня джокъдан къуралгъанды бютюн,
Адам джерни юсюнде джашар ючюн.
Илму бюгюнлюкде аны бегитгенд,
Тинтиу ишлеринде ачыкъ кёргюзгенд.



Кёзню кысыб ачхынчы бир джашауну,
Джокъ этмей, сакълайды, беред ашауну.
Болушлукъ табдырад хар излегеннге,
Андан игилик, насыб, тилегеннге.

Бир АЛЛАХНЫ атын джюрекден айтхан,
Игилikle этиб, тобагъа къайтхан,
Сакъланыр, чырмаудан, эм аманлыкъдан,
Къоранчдан, къоркъуулу затдан,
зарлыкъдан.





ИГИЛИК ЮЛЕШИУЧЮ

ИГИЛИК ЮЛЕШИУЧЮ теджейд,
сакълайд,
Адамны кёред аны ишин джакълайд.
Эсеблеуню кереди къанатларын,
Ол, аш бла баджарад джаратханын.

Хар иши ючюн береди адамгъа,
Кем этмейин, анга салмайын тамгъа.
Тергеб юлешед тыйыншлысын жаннга,
Джашау керек табдырыб, чыгъарад
тангнга.

Инсанны джарытад билим аллыкъ джолун,
Джюрегин ачыб, чомарт этед къолун.
Эсин, акъылын марда бла беред,
Огъур кючюню къанатларын керед.

Джомакъча, къураб джерни юсюн бизге,
Ашхылыкъ джаяды, Ол таугъа, тюзге.
Ариу Аламны кёргюзюб хар къуру,
Бизге бек джууукъду, болады туру.



Борчлубуз къатларгъа кѣб сууаблыкъны,
Сезиб бизге салынган джууаблыкъны.
Къаугъа ачмайын, мамырлыкъ къуараргъа,
Джер юсюнде разы болуб джашаргъа.

Къудурети, нюрю джайылад кенгнге,
Хар тюрлю адамгъа, джууукъгъа, тенгнге.
Аллах кѣб игилик беред инсаннга,
Унутмай джюрекден къайтайыкъ Анга.

ИГИЛИК ЮЛЕШИУЧИОНИО эсинде
тутханны,
Анга джюрегини сезимин бургъанны,
Хар бир излеми узаймайын толур,
Юйдегиси джашнаб, ол рахат солур.





ЭСЕБЛЕУЧЮ

ЭСЕБЛЕУЧЮ кѳулуна игилик этеди,
Толу ангылаб Ол тюз багѳа береди.

Ёмюрлюгю джукѳланмазлыкѳ

джарыгѳыды,

Аламат кѳайгѳырыуу тамамлыгѳыды.

Анга ышанганга мычымай джетеди,
Умут этген кѳулуна эркин береди.

Кеси разылыгѳы бла аллын бурады,

Ол, кѳурагѳан затларына кѳайгѳырады.

Эслерин ташлагѳанланы терк сакѳлайды,

Онгсузланы, джакѳсызланы да

джакѳлайды.

Ёсюмюне кѳараб, анга болушады,

Адамны джашау чархын алгѳа бурады.

Кѳысха заманда этилгеннге шагѳатды,

Дунияда болмагѳан, Ол бир деу затды.

Адамны унутхан затларын эсгереди.

Кече да, кюн да, ёмюрлеге ёреди.



АЛЛАХ адамны кёред талыуну билмейд.
Аны ишин, сезимин, санайд эринмейд.
Джерде этгенлерин эсине саллыкъды,
Къыямат Кюн инсандан джууаб аллыкъды.

ТЕРГЕУЧЮНЮ эсгерген
сууабланлыкъды,
Хыянатдан, ачыудан кенгде къаллыкъды.
Джюрек къылы игиликге джырларыкъды,
Аллайны насыб джулдузу джанарыкъды.





УЛЛУ

УЛЛУ керти къарыугъа иеди,
Хар бир ишини кюню нюр тегеди.
Керид кемликден, джетмеген затдан да,
Тазады кыяулукъдан, бузукъдан да.

Керти хурметликни къолда тутады,
Уллу магъаналы иш толтурады.
Ол сыйлылыкъны кюнюн бегитеди,
Шыбырдагъанны ачыкъ эшитеди.

Сыйлы сыфатлары деу кюн керелле,
Дунияда тюзлюкню бегителле.
Кюнню бла джудузланы джандыралла,
Бизни сейирликлеге къараталла.

Хаман игилик, ашхылыкъ теджейди,
Джерни юсюнде тынч джашагъыз, дейди.
Джомакъ дунияда, зауукълукъ чагъады,
Ол джюреклени джарытыб багъады.



АЛЛАХ кьуру ариулукьну сакълайды,
Кенг сьоймеклиги бизни ийнакълайды.
Таза суула, чучхурла кьуюлалла,
Кюмюш толкьунлары бек бурулалла.

Къалайда да игилик кёрюнеди,
Кёб хазна ашхылыкьгъа бёленеди.
Джерни юсю ариулукьдан джашнайды,
Насыбны джарыкь нюрю кьучакълайды.

АЛЛАХХА сый бериб, махтау айтайыкь,
Ислам динни излемине къайтайыкь,
Барайыкь, сууаблыкь эте тюз джолну,
Узатыб мамырлыкьгъа шохлукь къолну.





ЧОМАРТ

ЧОМАРТ халалд, онглулугъу джашайды,
Сёзюне толу болад Ол къуру да.
Анга табыннганны тохтаусуз джакълайды,
Саугъа береди джашыртын, туру да.

Джумушакълыгъы, халаллыгъы учсузду,
Адамны кереклисин табдырады.
Махтауу, джарыгъы, насыб джулдузду,
Мамырлыкъ, огъур тангла атдырады.

Аны билирча бизге кюч береди,
Саугъалайды атларыны юсю бла.
Чомарт къанатын адамгъа кереди,
Таукел элтеди джашауну тюзю бла.

Келечилерин, Ол бизге ийгенди,
Джандет саугъаны хапарын айталла.
Тюз, алдаусуз къулларын бек суйгенди,
Ала, АЛЛАХХА, тобагъа къайталла.



Ол фахму бергенд адамгъа сезерча,
Кёзле кёрюрча, кюулакъла эшитирча.
Сабыр кючню, ачыуланмай тёзерча,
Акъыл бла билим тюзлюкню билирча.

Уллу игилик анга теджегенди,
Кюч ийгенд джазарча, окъуялырча.
Адамгъа къайгъырыб эсин бёлгенди,
Разы болуб, динни джолун барырча.

Биз разылыгъыбызны билдирейик,
ЧОМАРТХА, суюуб толу берилейик.
Бюсюреу къанатыбызны керейик,
Таурухлу джандетни тёрюн кёрейик.





МАРАУЧУ

МАРАУЧУ ызлайды хар къурагъанын бек,
Аланы Ол кѳреди, эшитеди терк.

Бир зат да къалмайды тынч эсленмейин,
Кѳкледе, джерде бугъунуб кѳрюнмейин.

О, адамла! Кѳркъугъуз Аллахыхыздан,
Сизни къурагъан уллу патчахыхыздан.

Эки, андан кѳб этиб салгъанды джерге,
Эркиши, тиширыуну зауукълу тѳрге.

Джашауну хар тюрлю дараджасын

ишлетед,

Чархын буруб, кѳб игиликни кючлетед.

Аламда, джерде чийсилсиз иш бардырад,

Адамгъа, хар джаннга зауукълукъ алдырад.

Инсан кесимме деб, аман кюч чакъырса,

Терсейиб джашауун бошнагъа ашырса,

Мени киши кѳрмейд деб, суйгенин этсе,

Законсуз, джорукъсуз муратына джетсе,




Аллай джахилди, къарангыды танылад,
Терсееди ол, билимсизди, джангылад.
Аны сагъышы, этген иши билинед,
Къатындагъы Аллахха ачыкъ кёрюнед.

АЛЛАХ къурагъанды Аламда болгъанны,
Толу биледи хар этиле тургъанны.
Туугъан сезим белгилид, къатындан
къарайд,
Ол кеси дуняны джаратханд алай.

АЛЛАХНЫ айтханны сейирлик атын,
Чакъдырад гюлден юйюрюню
къатын.

МАРАУЧУ сакълайды аны рысхысын,
Кеси бла бийчесин, джашларын, къызын.





КЪАЙГЪЫРЫУЧУ

КЪАЙГЪЫРЫУЧУ адамгъа къайгъырады,
Тилекчилеге Ол джууаб къайтарады.
Къулуна табдырады излегенин,
Эс бѐлюб береди хар тилегенин.

Тилегинчин да игиликле иеди,
Умут этгеннге болушургъа сюеди.
Аны къарыуу тѐгерекни джасайд,
Джашау турмушда, джулдузча,
джылтырайд.

Тилек АЛЛАХ бла араны бегитеди,
Тилекчи ашхы муратына джетеди.
Биледи АЛЛАХ болушурун анга,
Къоркъуусуз чыгъарлыгъын огъур тангига.

Бизге незат керек болгъанын биледи,
Анга кѐре игиликлени береди.
Биз кѐрмегенни кѐреди Ол къатындан,
Юлюш этед таркъаймаз хазнасындан.



Андан келген нюр джарыкъ учундурады,
Адам билмегенлей бек къууандырады,
Чакъырад, ашхылыкъгъа, ариулукугъа,
Иги иннетликге, джарашыулукугъа.

Ашхы кёллюню джюреги тазады,
Ол КЪАЙГЪЫРЫУЧУГЪА бек базады.
Аллай тилесе, игиликле, токълукъ,
Бир АЛЛАХДАН табарыкъды болушлукъ.





Кесини излеми бла хазна чачады,
Керти иннетли, сыйлагъан къулларына.
Оноуу тюзлюкню нюр джолун ачады,
Билим береди джаратхан жанларына.

Иннет байлыгъын ёсдюрюрге излеген,
АЛЛАХНЫ бу сыйлы атын кёб кере айтсын.
Ислам динни сыйлы Къуранны тюзлеген,
НЕГЕ ДА ДЖЕТИШИУЧЮГЕ ишексиз
къайтсын.





АКЪЫЛМАН

АКЪЫЛМАН терен акъыллылыгындан,
Къурайд, буюрад тыйыншылыгындан.
Биледи хар затны ич магъанасын,
Дунияда кѣргюзед билим хазнасын.

Тюздюле Аны тындыргъан ишлери,
Джорукълары, къутхарыуну гюллери.
Кѣрюнедиле Аламда кючлери,
Къайгырыу халда ётелле кюнлери.

Джарыкъла АКЪЫЛМАНЫ оноулары,
Хазырла, джорукъсузгъа бугъоулары.
Кѣбдю планеталада хазналары,
Толалла тюзююн салгъан планлары.

Ол эм иги сюдюдю дунялада,
Тюзлюк кѣргюзеди сыйлы Къуранда.
Адам сыналады джерни юсюнде,
Ариулукъ джашайды дуняны джюзюнде.



Кёб келечилени ийгенди бизге,
Къайтарыргъа адамланы тюз диннге.
Игини, амандан айырыр ючю,
Ётюрюкню хорлар деб, кертини кючю.

Ол кеси сакълайды ахыр ийгенин,
Нюр Къуранны, ийнаннганны суйгенин.
Аида джашау джорукъ ачыкъ айтылад,
Джашырмайын, юлгюлеге къайтылад.

АКЪЫЛМАННЫ хар къуру
сагъыннганнга,
Сансыз этмейин къайтарыб айтханнга,
АЛЛАХ акъыллылыкъны эшигин ачар,
Ол болгъан джерден аман кючню чачар.





СЮЙЮУЧЮ

СЮЙЮУЧЮ кьулларын учундурады,
Сюймеклик бла байлаб кьууандырады.
Джюреклеге тегеди насыб сырын,
Къозгъайды сезимин, татлы сагъышын.

Кесини игилигине элтеди,
Хурметин, ашхылыгъын кёргюзеди.
Хатерли болуб, Ол кьулларын кечед,
Джумушакълыгъын, халаллыгъын керед.

Анга баш уругъа бизни джаратханды,
Ачыкъ дунягъа тюз кьаратханды.
Терсейгенле унутадыла аны,
Этген затын айтырыкъды хар саны.

АЛЛАХ эшитед, кьатларында турады,
Адамлагъа нюр кьарамын бурады,
Аланы баджаргъан ишлерин кёред,
Ол, тюзлюк тутхан керти, ашхы төред.



Ийнаннганланы суюд, ийнакълайды,
Насыбны джарыгъы бла къучакълайды.
Сейир къыздырыб джылытады къанын,
Къууанчдан толтурад джюрегин, джанын.

Игиге, кесине, аны шох этеди,
Аллай нюр саугъаны суююб береди.
Кёлтюред аланы дараджаларын,
Бек мийикге чыгъарады сыйларын.

Тилекле тилеб, махтаула айтайыкъ,
Биз мычымайын АЛЛАХХА къайтайыкъ.
Сууаб ишлеб биз тыйыншлы болайыкъ,
СЮЙЮУЧЮНЮ джарыгъындан
толайыкъ.





АЛАМАТ

АЛАМАТ мийик махтаугъа иеди,
Кючюн саугъалаб дунягъа бюркеди.
Тауусулмайды чырт Анда ашхылыкъ,
Игилик, насыб, толуду рахатлыкъ.

Уллу намыслыд сезими чагъады,
Джюрекни эшигин суююб къагъады.
Анга ачхан керпеслениб силкинед,
Ашхылыкъны кючю толуб тегюлед.

Такъыргъа, джарлыгъа нюр къуюлады,
Аджашхан тюзелиб кенг джайылады,
Кюч алыб къарыусуз, булбулу джырлайд,
Кёлсюзню, онгсузну таукеллик хорлайд.

Адам сейир дуняны ангылайды,
Ийнанган бюсюреу этиб джашайды.
Кюмюш тегедиле чучхурла джырлай,
Алтын Кюн тиеди джерни ийнакълай.



Сейир табигъатда гюлле чагъалла,
Чыкъ тамчыла, юслеринден агъалла,
Къуру да тазалыкъ, ариулукъ джашнайды,
Джашау таулада бла тюзледе къайнайды.

Адам танг атханнга суюуб къарайды,
Салкъын аязчыкъ да чачын тарайды,
Кёреди батышны ол ариулугъун,
Аламанты, АЛЛАХНЫ къарыулугъун.

Сыйлы атны айтханны ауруу кетер,
Хар излемине, муратына джетер,
Сыйы кёлтюрюлюб аны бек ёрге,
Тынч чыгъар мийик дараджалы төрге.





ТИРИЛТИУЧЮ

ТИРИЛТИУЧЮ ашхы кюч бла тиеди,
Къулларына келечиле иеди.
Адамланы джангыртырыкъды бютюн,
Тирилтирикди Ол, Къыямат Кюн.

АЛЛАХ, джан салыб, бизни джаратханды,
Сейир джашаугъа ачыкъ къаратханды.
Сууаблыкъгъа буруб къарыуубузну,
Тохтатмайыкъ алгъа барыуубузну.

Заманында къулну джанын аллыкъды,
Дагъыда ёлгеннге ызына саллыкъды.
Тирилтирикди, бютеу адамланы,
Къаты джууабха тартырыкъды аланы.

Къыш табигъат ёлюмге бёленеди,
Джазда джан кириб, джашнаб кёрюнеди.
Тохтамайд, алай болад хар джылында,
Джерде миллион джылны ызында.



Адамла джерни азыгъын ашайла,
Къыш болса, нюр джазны сакълаб
джашайла.

АЛЛАХ береди джерге ашау, тюрсюн,
Аны эсгериб джашайыкъ бютюн.

Къыямат Кюн адамла джоппу барлыкъла,
Джерде этгенлерине къарарыкъла.
Гюнахлыла айыбларын табарла,
Сууаблыла гюлле кибик чагъарла.

ТИРИЛТИУЧЮ деб, багъалатыб айтхан,
АЛЛАХНЫ махтаб, тобагъа къайтхан,
Керти иннетли, сыйлы боллукъду,
Тюшюнмекликден, нюрден толлукъду.





ШАГЪАТ

ШАГЪАТ хар джаннга толу эс бёлед,
Баш шагъат болуб этгенин кёред.
Ол, къулларына тюзлюк сюдюю,
Хукму Кюн оноу этерик кючюю.

Андан бир зат да чырт ычхыналмаз,
Бугъунуб, тайыб, сыбдырылалмаз.
Тас болуб къалалмаз ол эсленмей,
Джанлаб кеталмаз, джукъгъа, кёрюнмей.

АЛЛАХ билед болгъан бла боллугъун,
Адамны эси неден толлугъун.
Андан къутулаллыкъ бир зат джокъду,
Билими учсузд, теренди, токъду.

Кирпик къакъгъан чакълы бир заманнга,
Не этгенин айтыр хар адамгъа.
Къайда болса да, къалмаз билинмей,
Уллу АЛЛАХХА туура кёрюнмей.



Юч адам джашыртын сёз бардырсала,
Бир – бирлерине шыбырдасала.
Алайда Уллу АЛЛАХДЫ тёртюнчю,
Аны уллуду таркъаймазлыкъ кючю.

Алагъа айтыр этген ишлерин,
Не мардагъа, сыйгъа джетгенлерин.
Адам къаллай болумда болгъанын,
Джюреги, иннети неден толгъанын.

Тюз муратны джулдузун джандырайыкъ,
Биз джюрек тёрюбюзню джарытайыкъ.
Татлы, ингил тилде сёлешейик,
Насыбны джолунда тубешейик.





ХАКЪ

ХАКЪ тюзлюкню кенг джолун
джюрютеди,
Хар сёзю кертиликни бегитеди.
Андан чыкъгъан игилик ийнакълайды,
Тохтаусуз джарыб, джылы къучакълайды.

Бир ишексиз, ол кертиди, алайды,
Аны оюлмазлыкъ кючю сылайды.
Джашаугъа адамланы тирилтеди,
Ариулукъгъа кенг къучакъ керилтеди.

Алтын Кюнню, джарытыб, тийдиреди.
Джерге, адамгъа джылыу джибереди.
Сууаблыкъны, тюзлюкню чакъдырады,
Бизге огъурлу тангла атдырады.

Салкъын аязгъа гюлню сылатады,
Джугъутурну киришден къаратады.
Кёб булутланы кёкде джюздюреди.
Къанатлы джелге ариу сюздюреди.



Болгъаннга, боллукъгъа эсин бѣледи,
Джууукъда, узакъда джити кѣреди.
Бизге зауукъгъа джерни джаратханды,
Айны, джулдузланы да къаратханды.

Джомакълы джуртда санны ойнатайыкъ,
Къаныбызны, урунуб, къайнатайыкъ.
Биз уллу АЛЛАХХА суююб къайтайыкъ,
Тюзлюк тутханнга махтаула айтайыкъ.





ДЖАКЪЧЫ

ДЖАКЪЧЫ ышангылыды, ийнакълайды,
Ийнаннганнга нёгер болад игилик.
Анга баш ургъанны хаман джакълайды,
Къууандырады, береди тирилик.

Джашауда не къыйын сынау тюше да,
Тюзлюк тутуб, АЛЛАХХА ышанайыкъ.
Табсызлыкъ джолубузда тюртюлсе да,
Болушуругъуна бек ийнанайыкъ.

Ибилисге кесибизни хорлатмай,
ДЖАКЪЧЫНЫ рахматына тырмашайыкъ.
Джюрек отубузну чыртда джукълатмай,
Биз, АЛЛАХНЫ ышыгъында джашайыкъ.

Тюзлюкге къаршчы тургъанла боллукъла,
Къурутургъа излеб сууаб ишлерин.
Джинле, шайтанла биригиб толлукъла,
Билеб, джити этиб, азау тишлерин.



Бил, аладан АЛЛАХ бла сакъланлыкъса,
Ол джакъларыкъды, ышан, тилек тиле.
Андан сен иннет байлыкъ табарыкъса,
Атла, аякъ салыр джеринги биле.

Къатлаб, кѣб айтыб джюрегингде тутсанг,
Къыйынлыкъладан сакълар ДЖАКЪЧЫ
аты.

Ибилисни муратларын къурутсанг,
Сени ийнакълар АЛЛАХНЫ сыфаты.





НЕДА КЪОЛУНДАН КЕЛГЕН

НЕДА КЪОЛУНДАН КЕЛГЕН

къарыулуду,
Андан башха джокъду кюч, не къудурет.
Дженгдириуню билмейди, хорлаулуду,
Эки дунягъа да ёмюрлюк иед.

Аны кючю джетмеген бир зат джокъду,
Не суйсе да этеди, Ол ийнакълай.
Аламны аулайд, кертид кючю токъду,
Разы болгъанлай тирилтеди сылай.

Хар сезимден, муратдан хапарлыды,
Гюнахлыны, ийнанмагъанны урад.
Ислам динни джолу нюр сууаблыды,
Келечиси халкъланы тюзюне бурад.

АЛЛАХ къурутурукъду нелерин да,
Къаршчы туруб, ёхтем джюрюгенлени.
Башха бла ауушдуруп кеслерин да,
Ийнанмайын, огъай деб, кюлгенлени.



Бир АЛЛАХНЫ къазасын табарыкъла,
Къатылыкъ, къыйынлыкъ кёрлюкле ала.
Азаблыкъда бир – бирин таларыкъла,
Базманнга гюнах хазналарын сала.

Бек эшитиучюню кючю уллуду,
Ол, хорлаучуду, онглаучуду, джетиб.
Бютеу джаратханы Аны къулуду,
АЛЛАХ джан салгъанды, сейирлик этиб.

Бийни эсгергенни амаллыкъчы сюралмаз,
Зулмучу, мугурландырыб унукъдуралмаз.
Тынчлыкъ бермейин, къыйнаб,
артыкълыкъ эталмаз,
НЕДА КЪОЛДУНДАН КЕЛГЕНДЕН кеси
къутулалмаз.





ДЕУ

ДЕУ этгенча хар незат да болады,
Джокъду, тебдираллыкъ Аны орнундан,
Хурметини алтын гюлю чагъады,
Бийликни сыйырлыкъ джокъду къолундан.

Онглулугъу барына да джетеди,
Болушлукъ излемейд, керек тюлд Анга.
Уллуду, кючлюд, суйгенин этеди,
Деменгилид, атдырады джарыкъ тангла.

Аллай болмагъан, хорланмаз къарыуду,
Айтыб эшитилмеген кючдю Аламда.
Чексиз, хыйсабсыз хазнад, ариуду,
Хаманда турлукъду дуниялада.

Учсузд, къыйырсызд, Ол бек пелиуанды,
Джалгъан къошулмайын таймаздан
тургъан.

Болмайды джокъ, деменгилид, тамамды,
Олду Аламны, джашнатханлай бургъан.



АЛЛАХХА бойсундурлукъ кюн келликди.
Аламны, джерни юсюн тюрлендириб.
Аны ийнанган, башха да кёрлюкдю,
Барыр, этген ишини кючюн кериб.

Таула орунларындан теберикле,
Умур боллукъла, бир-бирине тийиб.
Кёкле ол кюн чырмалыб кёрюннюкле,
Тыйылмазлыкъ кюч келликди, от ийиб.

Сыйлы атланы билмеген джангылады,
Магъанасызгъа эси кетиб, тёгюлюб.
Аны ангысызлыкъ кючлеб абынады,
Аллай джашайды, джахиллиги кёрюнюб.





ШОХ

ШОХ сюед керти, тюзюуюн кьуллерын,
Анга кьууанадыла ийнаннганла.

Дженгиллетиб тынч этед болумларын,
Джашнайла джоругьуна бойсуннганла.

Ол кьоруулайды, джакълайды аланы,
Иги этед, тюзетиб, солумларын.
Беред сууаблыкь тутхан нюр кьаланы,
Кёргюзеди, талпыб, барлыкь джолларын.

Шохлукь кючю кереди игиликни,
Къарангылыкьдан джарыкьгъа чыгъарад.
Тюзлюк джюрютгеннге иед тириликни,
Аллаины кьутхарыу нюр бла сугъарад.

Адам Ол берген билим бла кёред,
Тыйгьычсыз, бёлмейин ёсдюред аны.
Ёлчемсиз хазнагъа акъылын бёлед,
Сууаблыкь этеди арымай саны.



Тохтаусуз келеди керти болушлукъ,
Саугъалайды уллу къууанч бла аны,
АЛЛАХ ийнанган бла тутады шохлукъ,
Джандетге барыр ючиюн къулуну джаны.

Бир бирле Аны къоялла унутуб,
Неда эсгермей туралла ЧОМАРТНЫ.
Джашар кѣб сууаблыкъ бла бурулуб,
Къайтарыб айтхан бу бек сыйлы атны.

Къургъакъсыгъан джерге джангур суу иед,
Кѣб адамла умут юзген сагъатда.
Джер джашнаб, аны ызындан Кюн тиед,
Къууанч боркъулдайд ашхы джамагъатда.

ШОХХА ийнансанг, тюзелир иннетинг,
Халинг ариуланыр сени юсюнгде.
Мамырлы джашар муслиман миллетинг,
Сууаблы болурса ахыр кюнюнгде.





МАХТАУГЪА ТЫЙЫНШЛЫ

МАХТАУГЪА ТЫЙЫНШЛЫ дуняны
тутад,

Аламатдыла сейирлик атлары.

Бютеулей махтау сый да джангыз Ангад,
Игилле буйрукълары, тыйгъычлары.

Дуняда хаманда болгъан затла ючюн,
Керекди бир АЛЛАХНЫ бек сыйларгъа.
Махтаб Аны тюрленмеген деу кючюн,
Джюрек теренден суюуб, ийнакъларгъа.

Нюрлю атлары, джарыкъ сыфатлары,
Бизге билиннгендиле, болуб саугъа.
Этген ишлери, салгъан тыйгъычлары,
Тыйыншлыдыла, бек уллу махтаугъа.

Къуралгъан зат бютеу джерни юсюнде
Хар заманда бары Аны эсгеред.
Джашаб тургъанланы дуня джюзюнде
Хар бири тилинде кёб махтау беред.



Ийнанмагъанла кёрмейдиле аны,
Къанатлыланы бла хайыуанланы.
Ёсюмлюклени, къуртну, къумурсханы,
Арымай кёкде джюзген булутланы.

Джомакълы ёзенлени бла тауланы,
Тенгизледе джашагъан чабакъланы.
Джырлаб баргъан ариу, таза сууланы,
Гюрюлдеуню, джашнауну, бютеу сауну.

Кёкленн, джерни иеси АЛЛАХДЫ,
Билгенибиз, эшитгенибиз, кертид.
Ол бийлик джюрютген джангыз патчахды,
Аны игилиги учсузду, чексизд.





ЭСГЕРИУЧЮ

ЭСГЕРИУЧЮ нени да ангылайды,
Толу кёрюб, билиб, затны эсеблейд.
Билими дунияланы аулайды,
Къуралгъанланы ахырын белгилейд.

Ол терк огъуна болгъанны тергейди,
Билед, кёред хыйсабын хар бирни.
Кёл ашаб, алагъа хазна теджейди,
Береди разылыгъы бла кесини.

Кёз туурасындан бир зат да ычхынмайд,
Къалай билмез кеси къурагъан затларын.
Ол болушмай адам бир иш тындырмайд,
Терен ангылайд хар затны атларын.

Ариулукъ кенг дунияны джасайды,
Сыйлылыкъ джашнатханды тегерекни.
Халал урунуб, халал аш ашайды,
Ийнаннган тазалаб, багъыб джюрекни.



Игилик этгенге кёб кьат береди,
Джолундан чачад кьара булутланы.
Сууаб базманын толтуруб чегеди,
Туудурад джюрекде тюз умутланы.

Биз артха созмайын, турмайын кери,
АЛЛАХ ючюн игиликле этейик.
Мардада джашаб ахыр кюннге дери.
Сыйны, махтауу, төрүне джетейик.





БАШЛАУЧУ

БАШЛАУЧУ олду эм биринчи чыкъгъан,
Хар тукъум затланы алгъа башлагъан.
Ишексиз нени да Ол джаратханды,
Сейир дунягъа ачыкъ къаратханды.

Биринчиди, учсуз къарыуун бургъан,
Адамгъа къууанч бериб, ачыкъ тургъан.
Атлары дунялада айтылгъанды,
Уллу билими белгили болгъанды.

Адам улуну джаратханд алапат,
Дуняны чархын бурад сау – салапат.
Башлагъанларын этиб бошагъанды,
Аллындан суйген затын къурагъанды.

Мамыр джашауну джандыргъанд
джулдузун,
Ол джылтыратханд Минги Тауну бузун.
Билим хазнаны адамгъа ачады,
Излегенни джахиллигин чачады.



Кёблеге этдиреди татлы ушакъ,
Джюреклеге тийиб ариу, джумушакъ.
Аны кючю булбулну джырлатады,
Гюл талада буу баланы ойнатады.

Адамгъа игиликни нюрю тиед,
Алтын Кюн да джерге джылыуун иед.
Булутланы учуруб бардырады,
Мийикледе кёб джулдуз джандырады.

БАШЛАУЧУ бизге бургъан насыб
къайнайд,
Нюр таякъ болуб, адамлада ойнайд.
Ол джер юсюне иеди игилик,
Ийнаннганлагъа береди тирилик.





КЪАЙТАРЫУЧУ

КЪАЙТАРЫУЧУ джашаб тургъанланы сау,
Ёлюмге бурлукъду этиб барын шау.
Къыямат Кюн алагъа Ол джан саллыкъды,
Тирилтирикди, джашаугъа къайтарлыкъды.

Ийнанмагъанла аккыл, таккыл болуб,
Турадыла, ишеклиликден толуб.
АЛЛАХ аланы барын ёлтюрлюкдю,
Сорулдукъ Кюн сау этиб кёлтюрлюкдю.

Къабырладан джоппу – джоппу чыгъарла,
Не болады деб, тегерекге къарарла.
Ол кюнде базман тюб тюз ишлерикди,
Къыямат Кюнню тюзлюк кючлерикди.

Ол керти джууабха тартыр аланы,
Къартны, джашны да эм гитче баланы.
АЛЛАХНЫ кючю барын тутарыкъды,
Ийнанмагъанны азаб бууарыкъды.



Терк кёргюзюр джерде этген ишлерин,
Джаханим сындырыр азау тишлерин.
Ол кьауум, от ичине атыллыкьды,
Шынкьарт, эритиб, анга кьатыллыкьды.

КЪАЙТАРЫУЧУ ызына айландырыр,
Адамны джашау джолуна кьаратыр.
Анга сыйыныб, махтаула берейик,
Мийик дараджагьа кёлтюрюлейик.





ДЖАШАУ БЛА САУГЪАЛАУЧУ


ДЖАШАУ БЛА САУГЪАЛАУЧУ кюч
кереди

Бир – бирлеге узакъ ёмюр береди.
Этгенди джаратхан затын кьурудан,
Ёлтюрюб, дагъыда сюер туурадан.

Дунияны, кьураб, тыйыншлы сакълайды,
АЛЛАХ, хар затны эслеб, кьарайды.
Адам бла башха джаны болгъанлагъа,
Береди, саугъалаб, джашауну хар затха.

Фахму бла билим, тазалыкъ береди,
Ийнаннганланы барын да сюеди.
Башына бош этед джашау джолунда,
Рысхы джюрютдюред чомарт кьолунда.

Ана кьарнында джашауну башлайды,
Мыйы, сезим, сюек, джилик кьурайды.
Джангы адам суюб кёред, эшитед,
Сёлеширге юренед, сагъыш этед.



Хар затын джарашдырыб, игилейди,
Туугъунчун ёллюк кюнюн белгилейди.
Сыфат береди, ариу этед бетин,
Буюруб, джоралаб, салалды эсин.

Туугъандан сора сакълайд джашауун да,
Бошуна беред аны ашауун да.
Игини, амандан айыргъа юретед,
Къулун атмайд, не этерин кёргюзед.

Адам ДЖАШАУ БЛА

САУГЪАЛАУЧУГЪА къайтса,
Ол бек сыйлы атны къайтарыб айтса,
Санларын кючлеген хар ауруу къурур,
Аны къучакълаб, къууанч басыб турур.





ДЖАН АЛЫУЧУ

ДЖАН АЛЫУЧУ ёлюмню да кьурагъанд,
Аны хар аджаллыгъа Ол буюргъанд.
Кесини кьулун ёлюм бла басад,
Джанны кьачан, кьалай суйсе да алад.

Адамны джаратыб, анга джан салгъан,
Акьыл, билим берген этмейин джалгъан.
Керекли джашау болумну табдыргъан,
Джангыз бир АЛЛАХДЫ алай эталгъан.

Саулукъ, рахатлыкъ буюрад адамгъа,
АЛЛАХ тюз иннетлиге беред саугъа.
Кьууандырыб кюлдюред ийнсанланы,
Джылатхан да этед, кючю уллуд Аны.

АЛЛАХ кеси алад адамны джанын,
Тыяд санларында бурулгъан кьанын.
Заманы джетсе, Ол аны ёлтюред,
Кьыямат Кюнде сау этиб кёлтюред.



Сыйлы атны айтхан таб тутар кесин,
Игиликге, ашхыгъа ийиб эсин.
Джашау джорукъну багъалатыр, сыйлар,
Ол АЛЛАХНЫ буйрукъларын ийнакълар.





ЁЛЮМСЮЗ

ЁЛЮМСЮЗ хар заманда джашаучуду,
Алапатдан, сейирден къараучуду.
Болгъанды, барды, боллукъду къуру да,
Кючю, кёрюнюю таша, туру да.

Ол ёмюрлени къолунда тутады,
Халкъланы ашхылыкъгъа къаратады.
Анга сыйынмагъанны сарнатады,
Ийнаннганланы нюрге джасатады.

Ол хаманда тюз оноу этиучюдю,
Хар ишни да бардырад, кёрюучюдю.
Уллу махтауланы джюрютюучюдю,
Терен ойлашыучуду, билиучюдю.

Андан башха бир зат джокъду Аныча,
Къураб джан салгъан джашаугъа
кёруанырча,
Ол дайымды, кесин бир да хорлатмайд,
Уллу кючюн, сыйын, махтауун атмайд.



Аны джашауу башланмайд, бошалмайд,
ЁЛЮМСЮЗДЕН бир зат да кьутулалмайд.
Чомарт кьолунда дуня чагъады,
Ауазы сейирлик макъам согъады.

Хар зат Аны аллында ийилликди,
Къыяматда гюнахлы тьююллюкдю.
Ол болгъанды, эндигиди, боллукъду,
Эсин Анга бургъан нюрден толлукъду.





ТУУРА

ТУУРА тутад бийликни байрагъын,
Кеси джукъ излемей тегед жарыгъын.
Джаратханына терен кьайгъырады,
Асыу этиб, болушлукъ табдырады.

Бойсунмаучуду, суйгенича турад,
Ол джашауну чархын онгуна бурад.
Уллу билимини кючу келеди.
Ие, кьурагъанын тута биледи.

Тынч этед, джетишдиред джашауну,
Тамалын кергюзед халал ашауну.
Табыныргъа башха тыйыншлы джокъду,
АЛЛАХХА ийнанган суаблыд, токъду.

ЁМЮРЛЮК тутады кеклени, джерни,
Аланы чачмайын, кьурайды терню.
Кертиди, тюздю, Ол кесин тыяды,
Кьураб, джашатханы алгъыш дунияды.



Джашайд ЁЛЮМСЮЗ, Анга джукъ
болмайын,
Андан башха ёллюкдю, бир зат къалмайын.
Къурч да, темир да кёб турмай чирийди,
Сослан, мер – мер таш да бары эрийди.

Ол табдырады адамгъа ашхылыкъ,
Беред ийнанганнга тюзлюк, мамырлыкъ.
Кючю, кертиликни джырын джырлайды,
Кечиую бизни ашыгъыб сакълайды.





ТАМАМЛЫ

ТАМАМЛЫ бек байды, Андады ариулукъ,
Аны себеби бла дуня бурулад.

Джерни джасагъанды, этиб таурухлукъ,
Джашнайды, тас болуб къалмайд, учунад.

ТАМАМНЫ болмайд джетмеген бир заты,
Толуду неси да, къуру да эркинд.

Онглуду, белгилиди, хар бир аты,
Уллуду, теренди, магъанасы кенгд.

Анга тенг боллукъ джокъду бир мадар,
Къурурукъ затладан Ол башха тюрлюд.
Кемсизди, толуду, неси да къадар,
Аллай болмагъан бир сейирлик нюрлюд.

Иши, джумушу къуру да сакъланыб,
Туралла, болуб джашау дагъан бизге.

Джашайд хар зат, чексиз кюч бла
джакъланыб,

Бек уллу насыб, келед таугъа, тюзге.



Ишексиз Аны ангысы бек уллуд,
Алам патчахха тынчды хар ойлашыу.
Мардасыз рысхылыд чомарт кьоолу,
Анда тыйгычсызды, тохтаусузд, барыу.

Бизни бла тургъаннга баш урайыкъ,
Унутмай эсгерейик хаман Аны.
Сууаблы болайыкъ, нюрден толайыкъ,
Рахат болур ийнаннганны нюр джаны.





МАХТАУЛУ

МАХТАУЛУ хар алапатдан толуду,
Сейирлик Аны тамаша джолуду.
Адам улугъа Ол насыб табдырад,
Огъур, джомакълы тангла атдырад.

Эси санаусузду, ышангылыды,
Къууанч джаудургъан сейир ангылыды.
Тюзлюкню, ашхылыкъны излеучюдю.
Сууаб этиучюлени эслеучюдю.

Акъылы, оюмлулугъу теренди,
Хурмети учсузду, уллуду, кенгди.
Чомартны хар неде нюрю кёрюнед,
Алапат болуму Алапатга бёлюнед.

Мийик тахтаны джангыз иесиди,
Патчахлыкъ тутхан Ол къуру кесиди.
Джаяды ариулукъну чомартлыгъын,
Дуня биледи джумушакълыгъын.



Къурагъаны хар заманга джарайды,
Къууанч, насыб бизге ачыкъ къарайды.
Кёкледе, джерде бегигенд кючю,
Адамла мамыр джашау къурар ючю.

АЛЛАХ айтханны джерде сайлайыкъ да,
Бири – бирибизни биз джакълайыкъ да.
Урунуб, тюзлюкге тыйыншлы болуб,
Джашайыкъ, сууаблыкъдан, нюрден толуб.





ДЖАНГЫЗ

ДЖАНГЫЗ джюрютеди чексиз бийлик,
Аныча болургъа джетмейд себеблик.
Баш уругъа тыйыншлы алай болгъан,
Джокъду, оноу этиб, ёмюрлюк тургъан.

Болуму бла табылмаз бир зат Анга тенг,
Огъур кюнчюн джайгъан дуниягъа кенг.
Анга магъанасы бла ушагъан,
Джангыз болуб ёмюрлюкге джашагъан.

Ол джумушакъды, игиликле беред,
Бек хатерлиди, гюнахланы кечед.
Аны тутаргъа тыйыншлыд джюрекде,
Эсгерирге сууаблы кёкюрекде.

Болмагъанд сабийи, Ол туудурмагъанд,
Атасы, анасы джокъду, туумагъанд.
Кёзюуге дери джерни джасайд юсюн,
Джетдирир дунияны ахыр кюнчюн.



Андан къалгъан болджаллыды, хар бир зат,
Амал этгенлей кюрешсе да минг къат.
Заманы джетсе Адам кетед дуниядан,
АЛЛАХ къурагъан джомакълы уядан.

Къуралгъан Къураучугъа тенг болалмаз,
Джер юсюнде ёмюрлюкге къалалмаз.
Джангыз кеси тургъаннга бойсунайыкъ,
Уллу АЛЛАХХА талпыб баш урайыкъ.





ТЮРЛЕНМЕУЧЮ

ТЮРЛЕНМЕУЧЮ, Ол хар замандагъыд,
Бойсундурад богъанны, хамандагъыд.
Тамам кертиди барыб тохтагъан,
Болушлукъ излегенни терк джокълагъан.

Бютеу къудуретни тутады кеси,
Хар неге да джетеди толу эси.
Тулпар кючюн кёргюзед ёмюрлеге,
Инсаннга, къалгъаннга, джерге, кёклеге.

Андан излейле кереклерин адамла,
Аламда, башха бютеу къуралгъанла.
Уллу къарыуну Ол тегеди нюрюн,
Бегитгенди, онглулукъну тёрюн.

Къыйын болумну адамдан кетеред,
Анга джашау турмуш, рахатлыкъ беред.
Тюз иннетлилени тилеклерин алад,
Джюрек тёрлерине рахатлыкъ салат.



Тюрленмей турад кючю, тюрсюню,
Бизге тиед халаллыгыны кюню.
Хатер этиуню гюлюн чакъдырад,
Сууаблыны тюз джолда бардырад.

Унутмайкъ АЛЛАХ берген ашхылыкъны,
Кючню, игиликни, джумушакълыкъны.
Ол джангыз кесид азабдан кьутхаргъан,
Палахдан, кыйынлыкъдан да сакълагъан.





КЪУДУРЕТЛИ

КЪУДУРЕТЛИ заманны бурады, тулпард,
Кюнню тийдириб, джерни джарытад.
Сюйсе, болдуруб, къуарарыкъды токълукъ,
Излесе, аны этерикди джокълукъ.

Акъыллы толтурады умутларын,
Терен оюмун, чексиз сагъышларын.
Хаманда тынч, дженгил къураб къаратад,
Ариу сыфатлаб, адамны джаратад.

Мадарлыды хар затха Ол джетерге,
Къолундан келед нени да этерге.
Джангур къуяды, джан салады джерге,
Дунияны тутад, тюшмейиң терге.

Ийнанмагъан, АЛЛАХНЫ ачыуун сынар,
Бойсунмагъан азабла чегиб джылар.
Кючю бек уллуду Деменгилини,
Джанын сакълайд акъыллыны, телини.



Менме, деген залимлени кьурутханд,
Ач отну тёрюнде тобукьландыргъанд.
Сарнатыб ургъанд Ол гюнахлыланы,
Джерни тюрюне аманлыкьчыланы.

Джерде, кёкледе да Бийни джеталлыкь,
Джокьду, Аны кьарыусуз эталлыкь.
Кертиди, билиучюд, тулпарды ачыкь,
Аны разылыгьын алыргьа ашыкь.





ДЕМЕНГИЛИ

ДЕМЕНГИЛИ бир – бир кзулларын
кючлейд,
Аланы сынаиды, бек деменгилейд.
АЛЛАХ бермегенни адам табалмаз,
Насыбха, игиликге да джеталмаз.

Адамгъа буюргъанын иги этед,
Кючю, онглулугъу кимге да джетед.
Башха, алай эталмазча джарытад,
Кюнню, Айны, джулдузланы къаратад.

Джанланы джашатад джерни юсюнде,
Джашау джашнатад дуня джюзюнде,
Игиликни, насыбны бизге къуяд,
Сейир ашхылыкъны къанатын джаяд.

Ёхтем джюрюгенни кысхартад джашауун,
Тыйыб рысхысын, бютеулей ашауун.
Аллай юлгюле келтиред Къуранда,
Адамла ангыларча хар заманда.



Алтын Кюнню тийдиреди кюн сайын,
Джасайд джылны хар чагъын: къышын,
джайын...

Кёзюу бла кечени айырад кюнден,
Ызына бурады кюнню, кечеден.

Хар заманда, артыкъсыз да эртденде,
ДЕМЕНГИЛИ деб кёб къайтарыб айтхан,
Ашхы муратына тынч джетер джерде,
Тюзлюкню сезер бир АЛЛАХХА къайтхан.





АЛГЪА ЧЫГЪАРЫУЧУ

АЛГЪА ЧЫГЪАРЫУЧУ тартад сагъайтыб,
Сууаблаб, алгъа элтеди къадалтыб.
Береме десе, Ол эркин бериучюд,
Чомартлыкъны, байлыкъны кёргюзючюд.

Алгъа чыгъарад тыйыншлы къуллаарын,
Джарыкъ, тюз этиб джашау джолларын.
Къарыу, кюч, тёзюм да беред алагъа,
Элтеди насыбдан толгъан талагъа.

Кеси, суйгенича, боллукъну къысхартад,
Неда аны заманын, Ол узайтад.
Кеси джаратханд бютеу джашагъанны,
Аламда кесек, ёмюрлеге тургъанны.

Буюрулгъанны башха зат къысхарталмаз,
Аны заманын, чегин узайталмаз.
АЛЛАХ къуру кеси этеди алай,
Боллукъ затны, буюргъанын ачыкълай.



Сыйлы атны хаман къайтарыб айтхан,
Джашауда джауларындан къорууланыр.
Бир АЛЛАХХА кече, кюн керти къайтхан,
Ёмюрюнде сууаблыкъда сыйланыр.





АРТХА ТЕБЕРИУЧЮ

АРТХА ТЕБЕРИУЧЮ, кесиди къадар,
Излесе тюртеди, табдырмайд мадар.
Къулун къысады, билдиреди кесин,
Аны сыйсыз этиб, кетеред эсин.

Хыйлалыкъ этгенлей джашагъанланы,
Харам хакъ бла азыкъ ашагъанланы
Джашауда адамлыкъны тас этгенлени,
Терсликден толуб, ганахха джетгенлени,

Артха тартылыргъа кереклилени,
Ийнанмагъанны, ассины, телини.
Кеси суйгенича тыяды артха,
Буйрукъ бериб, хар тюрлю затха.

Юлюшсюз къояды дин тутмагъанны,
АЛЛАХХА джюрекден ийнанмагъанны.
Сууаб къабчыгъы къуруд имансызны,
Азаб, джаханим басарыкъды аны.



Ишленмеклик, адеб да джокъду анда,
Джарыкъ нюр тѣгюлмейди къутсуз джанда.
Аллай харамны джюреги тарайд,
Иннети учхарад, ол артдан къарайд.

Динни джолунда болсанг мер – мер къая,
Фахмунгу, билиминги халкъгъа джая.
Иннет байлыгъынг басар джерни юсюн,
Базманынга сууаблыкъ салыр кючюн.





БИРИНЧИ

БИРИНЧИ хар зат кьуралгьынчын болуб,
Тургъанды АЛЛАХ, Аны кючю толуб.
Анга дери болмагъанд джукъ, Ол аллыд,
Джаратылгъанны иесид, патчахыд.

Учсузду, кыйырсызды эм алдагъыд,
Бошалмайды, ахырсызды, артдагъыд.
Аны джашаууну чырт джокъду Аллы,
Туурады, магъаналыды, тамамлы.

Иеси болуб сейирлик Аламны,
Джерде, кёкледе хар затны, адамны.
Ууакъны, абаданны, дунияны,
Уллу кюч, билим кьурагъанд аланы.

Эм эртдеден келген билдиред кесин,
Джашау джашнарына иеди эсин.
Ол Кьуранда айтылады, биринчид,
Кенгнге белгилиди, этиую энчид.



Хар нени да ачыклайды тамалын,
Эм башды, салат джоругъун, амалын.
Анга ийнанайыкъ биз, тюз джашайыкъ,
Сагъыш этейик, керти ойлашайыкъ.





АХЫРГЪЫ

АХЫРГЪЫ мийик джашатад кесин,
Ол артдагъыд, эшитдиред сёзюн.
АЛЛАХ джангызды, кесид жан салгъан,
Аджаллыд барыда Андан къалгъан.

Бютеу къуралгъанла джокъ болсала,
Ёлселе барыда, къырылсала.
Турлукъду къуру кеси Ёмюрлюк,
Олду биличю, боллукъну кёрлюк.

Кесид къурутурукъ, къырыб къоярыкъ,
Дунияда хар нени да джоярыкъ.
Кючлю, къаты тиерик аяусуз,
Тутхан ишин толтурлукъ къыяусуз.

Бийлик джюрютед, хар затны бузар,
Сюйсе, джангыдан ызына джазар.
Бютеу джерни юсюндегин сояр,
Джашау джукълатыр ёлтюрюб къояр.



Кёрюннген, кёрюнмеген думп болур,
Къыямат уллу тюзлюкден толур.
АЛЛАХ хар затны ахырына чыгъар,
Ёмюрлюк джангызлай къалыб джашар.

Къуру да Ахыргъыны эсгерейик,
Къутхарыу кючге биз къанат керейик.
Анга бурайыкъ толу эсибизни,
Терс этиуден сакълайыкъ кесибизни.





АЧЫКЪ

АЧЫКЪ кѣб, керти затда кѣрюнеди,
Ашхылыкъ, хурмет, суймеклик береди.
Тюзлюкню джолунда сууаб бурдурад,
Ол, къутхарлыкъ билим тауда турдурад.

Кенгнге белгилиди, кѣзге туурады,
Джууукъду, Ол къатыбызда турады.
Учсузд – къыйырсызд этгени эсебсизд,
Болуму, къарыуу, махтауу чексизд.

Кючю кѣрюнед, тынч ангыланады,
Берген сѣзюне кертилей къалады.
Хар джалбаргъанны тилеклерин алад,
Джашау джолуна да мамырлыкъ салат.

Къарамы къурагъан затларындады,
Ол бизге бидирген атларындады.
Аты Аламда айтылад, белгилид,
Джашауну чархын буруб тургъан Кесид.



Бютеу дуняда кючю эсленеди.
Чууакъ кёкден, танг жарыкъда энеди.
Джерни юсюн джылытады алтын Кюн,
Таблыкъ къуралгъанды биз джашар ючюн.

Дуу джаныб, джулдузла кёкден къарайла,
Кечени жарытыб, бизге джарайла.
Ачыкъны сезиб кючюн, мийиклигин.
Ангылайыкъ тюшюнюб игилигин.





ТАША

ТАША Аламда кӛргюзеди ышан,
Адамланы джаратыб салгъанды джан.
Кӛрюнмеседа дуняда Ол ачыкъ,
Белгиленеди керти хаты джарыкъ.

Къалай эслей эсе ачыкъланнганны,
Алай тынч кӛреди джашырлгъанны.
Ийнаннганнга беред татлы тиллилик,
Джюрек сезимлерине ингиллилик.

Хар затда эсленед ачыкъ шартлары,
Алапатдыла, махтаулу атлары.
Тилегин мюкюл этеди къулуну,
Чакъырады сыйгъа адам улуну.

Танылады игиликде белгиси,
Кӛрюнмесе да бизге ачыкъ Кеси.
Кӛкде учурады кенгкъанат къушла,
Ашхыдыла бек Ол этген джумушла.



Нюрюн тѣге, Кюн къарайды бизге,
Сейирлик хазна кѣрюнеди кѣзге.
Къууанч береди хар джыры булбулну,
Татлы макъамлары кюмюш чучхурну.

Сюйюнюб, къарайды ариу табигъат,
Джылы тылпыулуду дуняда хар зат.
Эсден кетмезлик ариулукъ къучакълайд,
Бизни эркелетиб, рахат ийнакълайд.

Сыйлы атны дайым суююб айтханны,
Таза джюрекден АЛЛАХХА къайтханны.
Бютеу джюреги суймекликден толур,
Аны джолунда игилик кѣб болур.





АЛАМНЫ ПАТЧАХЫ

АЛАМНЫ ПАТЧАХЫ тутады бийлик,
Хар неде да оноучулукъ, эркинлик.
Излегенин джашауда толтурады,
Ишлерин ол акъыллы бардырады.

Башчылыкъ этеди неде да онглу,
Эркинлеб беред рысхы чомарт къолу.
Тюзлюкню, кертиликни ойнатады,
Къалайда да оноун джашатады.

Не уллу зат да АЛЛАХХА бойсунад,
Букъучукъча болса да, Аны къолундад.
Сау дуняны джюрютеди, бурады,
Кючю, билими кёрюнюб турады.

Кюн бла джудузла бойсуналла Анга,
Сыйыналла буйрукъгъа бютеу джанла.
Дуняны юсюн джууашлыкъ кючлейди,
Тынч этед сабырлыкъны, тюзлейди.



АЛЛАХ тюзетмесе, бузуллугъед богъан,
Джорукъдан чыгъыб оюллугъед Алам.
Бютеулей низамны Ол ишлетеди,
Байлам тутдуруб бирге кючлетеди.

Аламны Патчахына баш урайыкъ,
Аны аллында биз тобукъланайыкъ.
Ол берген буйрукъланы толтурайыкъ,
АЛЛАХ суйгенлеге биз сайланайыкъ.





МИЙИКЛИКНИ ТУТХАН

МИЙИКЛИКНИ ТУТХАН, Ол чынг
тазады,

Иелик джюрютед, джерни джазад.
Аны сыйы мийикди, алапатды,
Нюр джарыгы кенгликге джайылад.

АЛЛАХЧА, Анга ушаш бир зат джокъду,
Уллуду, деудю, Мийикликни Тутхан.
Билими теренди, къарыуу токъду,
Кесид джаратхан, суйсе къурутхан.

Мадары, хыйсабы да кыйырсызды,
Патчахды, кенгдеди ётюрюкден.
Излегенин этеди, тыйгычсызды,
Джашнаб джарыйды, ёлюмсюзлюкден.

Дуня джюзюнде унутулмазлыкъды,
Аны бек кючлейди ахырсызлыкъ.
Тюз кюлларына Ол хыянатсызды,
Игилик беред тауусулмазлыкъ.



Чексиз къарыугъа иелик этеди,
Тутады хар затны деу къолунда.
Ол ишинде муратына джетеди,
Онглулукъ къурайды тюз джолунда.

Бу сыйлы атны кёб кере айтхан,
Дагъыда анга ийнаныб къайтхан.
Хар тюрлю къыйынлыкъдан сакъланыр,
Къуру да бир АЛЛАХ бла джакъланыр.





ТОБАНЫ КЪАБЫЛ ЭТИУЧЮ

ТОБАНЫ КЪАБЫЛ ЭТИУЧЮ терк кёред,
Къулуна ёкюнюрге мадар беред.
Мюкюл боллукъгъа да, суйюб, болушад,
Аллайны кечеди, тобасын алад.

Этгенине сокъураныб тюзелгенни,
Нюр джолгъа бурулургъа излегенни,
Терс иши ючюн тобагъа тюшгенни,
Къайтарыб гюнах этмезге кюрешгенни.

Къалайда да ашхылыкъ къурагъанны,
Иги ишле этерге учуннганни,
Бир АЛЛАХНЫ китабын сыйлагъанны,
Башхагъа, Къуранны ангылатханни.

Алады тобагъа къайтыуларын,
Ачыкъ кёлден, джюрекден айтыуларын.
Джалбарыб, ётюрюксюз тилегенни,
Къызыныб, кесин АЛЛАХХА бергенни.



Джумушаб, кечеди Къабыл этиучю,
Чомарт ашхылыкъ чачады Бериучю.
Умут юзмей, кёргюзтейик тирилик,
Тюнгулмейик, Ол берликди игилик.

АЛЛАХ кечиучюд, къурутад гюнахланы,
Джюрек кюч бериб, джарытад мыдахланы.
Къулуну тилегин, алад тобасын,
Ёрге этеди аны дараджасын.





ДЕРТ КЪАЙТАРЫУЧУ

ДЕРТ КЪАЙТАРЫУЧУ хыйланы
унукъдурад,
Харамны айыбына джолукъдурад.
Тобагъа къайтмагъанланы инджилтед,
Гюнахлыланы Ол къыйнаб джюрютед.

Уллу мадары болгъан дерт джетдиред,
Аман джюрюгеннге азаб чекдиред.
Халкъдан эрек этиб, тюшюреди сыйын,
Турмуш джашаун этед осал, къыйын.

АЛЛАХ излегенни суймегенлени,
Аны буйругъун сансыз этгенлени.
Оноун, джоругъун тутмагъанланы,
Сёзюн, айтханын сыйламагъанланы.

Къаты болуб, къуршча, азаб кюч тутар,
Керти дуняда джаханим от джутар.
Аллайла кёб къыйынлыкъла кёрюрле,
Ачырла, къыйналырла, инджилирле.



Къыямат Кюн кюч келир кертиликге,
Заман болур, толур дерт джетдирирге.
Джууабдан бир зат да чырт ычхыналмаз,
Джыйгъан рысхысындан ол къутулалмаз.

Адамгъа хар заманда да къаралад,
Аны хар неси, кеси да сакъланад.
Сюйгенича тюлдю дуния джюзюнде,
Уллуду борчу джерни юсюнде.





КЕЧИБ КЪОЮУЧУ

КЕЧИБ КЪОЮУЧУ къулуна къарайд,
Гюнахын кечиб, аны сыйын сакълайд.
Джаратхан джанын ариулайд, тазалайд,
Уллу игилиги дуняны аулайд.

Аланы терсликлерин джашырад,
Аман ишлерин да джокъгъа ашырад.
АЛЛАХНЫ уллуду халаллыгъы,
Хатер этиую бла джумушакълыгъы.

Тыйыншлы болмагъан затларын чачыб,
Керти тилегеннге ашхылыкъ ачыб.
Тазалайд, тобагъа къайтхан къулларын,
Хурмет этиб, тюзетеди джолларын.

Башхагъа игиликле излегенни,
Джашыртын, ачыкъ, талпыб тилегенни,
Кертиди, Уллу АЛЛАХ кёрюб турад,
Анга хатер этиб къарамын бурад.



Хар инсан да боллукъду джангылыргъа,
Терс оюм этиб, бек аджашыргъа.
Берген сёзюн, айтханын унутургъа,
Атлауун джетдирирге тыйыншсызгъа.

Адамланы сыйсызлыкълары ючюн,
АЛЛАХ азабха тартса, салыб кючюн.
Айыбларына джолукъдуруред минг къат,
Джерни юсюнде къалмаз эди бир зат.

Ол, белгилеген заманнга дери,
Азаб салмайд, болджалын созад кеси.
Кертиди АЛЛАХНЫ къарыуу чексиз,
Аламда хыйсабы уллуду кемсиз.





ДЖАЗЫКЪСЫНЫУЧУ

ДЖАЗЫКЪСЫНЫУЧУ къарамайд
огъартын,
Джаяды джылы тылпыуун, къууатын.
Тилекчини гюнахларын къурутад,
Аны игиликде, насыбда тутад.

Джан аурутады, ашхылыкъла беред,
Адамланы Ол тюзлюкге юретед.
Хыны этмейд, джумушакъды къучагъы,
Дуниягъа тегюлед нюрлю джарыгъы.

Бары да, АЛЛАХ, къураб, джан салгъанла,
Андан акъыл, фахму, билим алгъанла,
Туралла, Ол берген азыкъны ашаб,
Аны джеринде хазнасында джашаб.

Джан салгъанына къоруулар кюч беред,
Аланы энчи мадарлагъа керед.
Таб, иги болум къурагъанд затына,
Сейирлик кючню, джашау тамалына.



Артыкъсыз да адамгъа мийик бергенд,
Дараджаны, башхадан аны онг этгенд.
Ёсдюргенд мадарын, иннет хазнасын,
Иги этиб халын, джюрек тазасын.

Адамны сыйлаб кёргени белгилид,
Джазыкъсынад, къууанч берген хурметид.
Инсан кёреди, эшитед, сёлешед,
Башхада болмагъан кючюн юлешед.

Бизге салгъанды кёзле, къулакъла, тил,
Богъандан алаамат этгенд, аны бил.
Къайгъырад, джан аурутад къулларына,
Болушад бютеу къурагъанларына.





УЛЛУ КЮЧНЮ ДЖЮРИУТГЕН

УЛЛУ КЮЧНЮ ДЖЮРИУТГЕН бирд,
джангызды,
АЛЛАХДЫ, патчахланы патчахыды.
Кесиди нени суйсе аны этген,
Тыйгъычсыз бютеу муратына джетген.

Аны излемин тюрлендирлик джокъду,
Къурауу, къарыуу эркинди, токъду.
Анга бир зат ишек болуб туралмаз,
Ётю, кючю джетиб хыртха уралмаз.

Ол патчахлыкъ этиуню патчахыды,
Бийди, адамланы АЛЛАХЫДЫ.
Кимге суйсе анга беред игилик,
Учундурад Андан келген тирилик.

Мийик кёкде джулдузла джандырады,
Кюн тийдириб, бизни къууандырады.
Дуу джандырады накъут – налмазланы,
Мер – мер къаяланы, акъ алмазланы.



Адам джашарча мадар бла тууады,
Чокъуракъ бла къолун, бетин джууады.
Дуня бла бир болуб, башлайды джашаб,
Джерни юсюнде ёсген затдан ашаб.

Адамны къутхаргъан иш сууаблыкъды,
Диннге учунуу, билим ашхылыкъды.
АЛЛАХ дуняны бийид сюейик,
Къураб, джан салгъаннга махтау берейик.





Минги Тауну барды кѐм – кѐк бузлары,
Тамаша этген кюмюш бугъойлары.
Сюеледиле акъкъанат таула,
Доммай талада шоркъулдай суула.

Ариулукъ бузулмай турады джерде,
Адамгъа саугъа болуб дуния тѐрде.
АЛЛАХНЫ сыйын тутайыкъ мийикде,
Керти махтаулуну атын джюрекде.





КЕРТИЧИ

КЕРТИЧИ туудурад кьуру кертисин,
Тюзлюк бла джарытады джерни юсюн.
Зулму этиучюге Ол дерт кьайтарад,
Унукьгъанны азатлаб кьууандырад.

Акьыллы нени да джорукьгъа салат,
Белгилейд, ачыкьлайд нюр гюлю чагъад.
Тюзлюк джайыб джарашдырад хар затны,
Тындырады ишин, бурады чакьны.

Хар заманда кертилик тутуб турад,
Ол Кьураучуду, аллын бизге бурад.
Аны этгенлери кертилле бютеу,
Неси да тазады, сейир, уллу, деу.

Адам улугъа буюргъанд кертилик,
Тюзлюк, таукеллик, тирилик, этимлик.
Тюз кьарамаугъа бермейди эркинлик,
Орун алмазын излейд адилсизлик.



Кертичи джасайды тау табигъатны,
Дунияда кёргюзед кёб ашхы шартны.
Чучхурла шууулдайла къаяладан,
Тау къушла учадыла уяладан.

Нюр атны сезгенни тюз болур джолу,
Мамыр иннети чагъар чомарт къолу.
Ол аманлыкъдан, гюнахдан сакъланыр,
АЛЛАХНЫ керти кючю бла джакъланыр.





Ол заман кюн сайын келеди джууукъ,
Болса да кёзюу бек джылы эм сууукъ.
Хар гюнахы ючюн берликди джууаб,
Адам джер юсюнде этсин кёб сууаб.

Джоппу – джоппу болуб, чабарла ала,
Бирлери дженгиллеб, бирлери тала.
Ийнанмагъан джаханим отха барыр,
АЛЛАХХА баш ургъан джандетде
джарыр.





БАЙ

БАЙ харакетлид, толуду, хазналыд,
Бек игиди, айыбсызд, алапатлыд.
Къулуна джашауунда насыб беред,
Хар джаннга рысхылы къанатын керед.

Богъан махтаууну туталады, тазад,
Ол хаманда къуру кесине базад.
Санаусузд, бек кёбдю Аны байлыгы,
Уллуду эм кенгди джашау джайлыгы.

Бир – бир адамла АЛЛАХНЫ унутуб,
Бай атын джюреклеринден къурутуб.
Махтаныб, башларын тутуб, бек ёрге,
Кеслерин чыгъаралла рысхы тёрге.

Джашайла киши байлыкъны къучакълай,
Кеслерин унутуб, аны ийнакълай.
Алай эте туруб, кетелле мындан,
АЛЛАХНЫ хазнасын къоюб дуниядан.



Кёкледе, джерде да нюрню къучагъы,
АЛЛАХДЫ, богъан байлыкъны патчахы.
Саугъабыз ючюн биз разы болайыкъ,
Сууабдан, ийнанмакълыкъдан толайыкъ.

Уллу кёллюлюк этмейик, ёхтемлик,
Кёрюзмейик биз бёгеклик, чёрчеклик.
Бютеу байлыкъны бийине къайтайыкъ,
Аллаха уллу махтаула айтайыкъ.





БАЙЫНДЫРЫУЧУ

БАЙЫНДЫРЫУЧУтамамды, рысхылыд,
Сюйгенине джиберген нюрю джылыд.
Ол берсе, адамгъа барад джарыкълыкъ,
Юсюнде ёседи сууаб зауукълукъ.

Кимни суйсе, аны Ол байындырад,
Харакетин кёб этиб къууандырад.
Ол излемей кишиге бармайд рысхы,
Аны къолундады сейирлик ашхы.

Инджилиб джашагъанланы къутхарад,
Ол халкъланы джарлылыкъдан чыгъарад.
Бютеу дуняны байлыгъы Аныкъыд,
Уллу насыб, къууанч джарыкъ хазнасыд.

Тыйылмайын, кече, кюн рысхы джыя,
Гюнах ишлени, аманлыкъны джая,
Джашауда бир АЛЛАХНЫ унутханла,
Азаб чегерикле ийнанмагъанла.



Джерни юсюнде тюб-тюз джашагъанла,
Уллу АЛЛАХНЫ разылыгъын табханла.
Джандетде къууанч саугъала алырла,
Сейирлик джарыкъда анда къалырла.

АЛЛАХ табдырад кёб хазна адамгъа,
Сюйюб къарарча зауукълу джашаугъа.
Толу берейик Анга кесибизни,
Эсибизни, джюрск сезимибизни.





ИГИЛИК БЕРИУЧІО

ИГИЛИК БЕРИУЧІО бек мийикликден,
Джаратханына беред игиликден.
Керти иннет, акъыл, байлыкъ бла саулукъ,
Эки дуняда – джашау турмушлукъ.

Эшитебиз булбулну татлы ауазын,
Солуйбуз тауланы таза хауасын.
Ичебиз ёзенде чучхур сууланы,
Кёребиз чегетде кийик бууланы.

Эсленед Минги - Тауну ариулугъу,
Билинед АЛЛАХНЫ къарыулугъу.
Джулдузла джарыкъ джанадыла бизге,
Сейир – тамаша кёрюнелле кёзге.

Къыш ауушуб келед джазны кёзююю,
Башланады хансны, гюлнию, ёсююю.
Къууанч джырлайды джюрекии ичинден,
Нюр тегюледи иманны кючюнден.



Сейирди, джарыкъды, джашауну джолу,
Мамыр дуняны рысхысы толу.
Игилик Бериучю, бергенди аны,
Джер юсюнде бизге ашхы саугъаны.

Тинибизни къуру да ёсдюрейик,
Иманыбызны биз бегитейик.
Унутмайыкъ, АЛЛАХ беред игилик,
Огъурлулукъ, таукеллик эм тирилик.





ТЫЙЫУЧУ

ТЫЙЫУЧУ уллу къарыуну тутуучуд,
Кёб сынау затланы тыйыб кьоюучуд.
Аны кючю кыйынлыкъладан сакълайд,
АЛЛАХ хар заман къулларын джакълайд.

Тыяды бир – бирледен игиликни,
Сынаргъа анда болгъан кертиликни.
Ачыкъ этерге эки бетлиликни,
Кёз бла кёрюрге хыйла телиликни.

Неда аны аманлыкълан сакъларгъа,
Хар фитналыкълан тарлыкълан
джакъларгъа.

Терс ишледен, зарлыкълан тыяр ючюн,
АЛЛАХ иеди къулуна деу кючюн.

Ачыкълайд джюрек байлыгъын, ёсюмюн,
Иннет кертилигин, кёлюн, тёзюмюн.
Кенгнге кетеред харам рысхысын, ашын,
Сакълайды аны кыйынлыкълан башын.



Тюз халкъдан чырмауну тыяд узакъгда,
Палахны тутады кючлю тузакъда.
Азаб чекдирмейди ийнанганлагъа,
Бир АЛЛАХХА керти баш ургъанлагъа.

Биз сынаулары сый бла онглайыкъ,
Тёзюб, тюнгулмей, ашхылыкъ
сакълайыкъ.

Иман хазнабызны чархын бурайыкъ,
АЛЛАХНЫ джюрегибизде тутайыкъ.





ЗАРАН САЛЫУЧУ

ЗАРАН САЛЫУЧУ хар хыны атламын,
Кимге суйсе бурад, ачы къарамын.
Андан сора джокъду онглу болаллыкъ,
Терс джашагъанлагъа заран салаллыкъ.

Ауруйдула сау болмазлыкъ ауруудан,
Бирсиле, ёледиле къарыусудан.
Адамны джюреги къайгъыдан толад,
Билмей тургъанлай, джан берген болад.

Бир – бирде джер тебрениб джел да урад,
Шахар, эл оюлуб къыйынлыкъ бурад.
Зарлыкъ ёсюб, кёб болады сатлыкъ,
Адамгъа джетеди уллу къоркъакълыкъ.

Гюнахлы ол дуняда азабла сынар,
Териси, эти эриб, ачы джылар.
Къыйнар ёмюрлеге, къаза бериучю,
Къыйынлыкъда джашатыр инджилтиучю.



Бир АЛЛАХХА кьуллукь этиб, баш
ургъан,
Терсеймей тэзер тюз джолда тургъан.
Къыйын заман озуб, тынч джашау джетер,
Тюз кьулуна Хатерли кёб саугъа этер.





ХАЙЫР БЛА САУГЪАЛАУЧУ

ХАЙЫР БЛА САУГЪАЛАУЧУ нюрюн
беред,
Сууаблы къулуна хайыр джетдиред,
Ол буюрмай келмейди ашхылыкъ,
Табылмайды тынчлыкъ бла мамырлыкъ.

Адам хар къуру да хайырла этед,
Джашауда ашхы муратына джетед.
Джигер урунуб, халал тишлик тишлейд,
Инджилмей эшикде, юйде да ишлейд.

Сабанчы сабан ызда джырлайд татлы,
Мал кютедиле бирге талай атлы.
Терек кѣгетлени джыялла къызла,
Сатыу – алыуда хайырлылла джашла.

Кюнню джылыуу да саугъады бизге,
Джангур джаууады таулагъа, тюзге.
Кюмюш шоркъала барадыла джырлай,
Джауум берекетди бизге къыш эм джай.



АЛЛАХНЫ кючюню джокъду кыйыры,
Хар затны дуняда барды хайыры.
Къыш боранлаб, къарны учуруб бурад,
Джайны чиллесинде салкъын аяз урад.

Адам кесини кёреди сыфатын,
Эшитеди айтылгъан сыйлы атын.
Иннет тегюле, сезим джырлары,
Анга хайырдыла богъан затлары.

ХАЙЫР БЛА САУГЪАЛАУЧУНУ
сюейик,
Мийик сый эм уллу махтау берейик.
Сууаблыгъа джылы къучакъ керейик,
Ашхы джашау – тамашаны кёрейик.





НЮР

НЮР - сау Аламны джашау чырагы,
АЛЛАХДЫ кёклени, джерни джарыгы,
Ол суйген кьулун тюз джолда бардырад,
Аны джанын, дунияланы джарытад.

Нюрге таза джюрекден ийнанганнга,
Бек уллулугъун сезиб кьуанганнга.
Таза иманнга таукел учунганнга,
Эртден - ингир махтаб атын сагъынганнга.

АЛЛАХ этед нюрюнден чомарт саугъа,
Сууаблыкъ тутханнга, тюзлюк джашаугъа.
Аны джюрегин Ислам диннге ачад,
Къарангылыкъны бугъоуларын чачад.

Мухаммат келечи тюзлюкге чакъыргъанд,
Ийнанганны джюрегин тазалагъанд.
Сыйлы Къурандан бизге нюр тегюлед,
Тюз джолну джарыгы анда керюнед.



АЛЛАХХА баш ургъан тюздю, сууаблыд,
Джюрек джылыуун тѣкген нюрлю атлыд.
Аны Къыяматда джарыкъ къучакълар,
Аллындан, онгундан джетиб ийнакълар.

Бу сыйлы атны кѣб кере айтханны,
Хаманда анга суююб къайтханны,
Джашауу джарыкъ эм рахатлы болур,
Аны таза джюреги нюрден толур.





ТЮЗЕТИУЧЮ

ТЮЗЕТИУЧЮ ойлашдырады къулун,
Саугъа этеди кертиликни джолун.
Джюрегине къуяды ийнанмакълыкъ,
Акылына береди бойсунмакълыкъ.

Ачыкъ кёллю билдиреди тюзлюкню,
Ол кёргюзтеди къутхарыр кюзлюкню.
Ангылашыугъа элтед джюреклени,
Кёрюрге саугъа этгенди кёзлени.

Билим бериб, бирлени бурад тюз джолгъа,
Талпытад сыйлы Къуранны окъургъа.
Керти къулун бойсундурад кесине,
Тёгед джарыкъ сезимине, эсине.

Кесини деу кючюн билдириб къояд,
Джерни юсюне Ислам динни джаяд.
Ол тюзлюк тутхан бир ашхы төред,
Уллу билимни къанатларын керед.



Адамны сагъышын этеди таза,
Джылла барадыла, ёмюрле оза.
АЛЛАХ кючлюд, Аламны чархын бурад,
Дайым хорлаучуду, ёмюрлюк турад.

Аламат атны айтханны кёб кере,
Уллу АЛЛАХХА сый, махтаула бере.
Иманы кючлю, джолу тюз болур,
Тюзлюк тутуб, акъыл гёзени толур.





ЧЫГЪАРЫУЧУ

ЧЫГЪАРЫУЧУ, кеси джангыз джаратад,
Таурухлу дуняны бизге къаратад.
Кёргюзеди ачыкъ таркъаймазлыкъ кючюн,
Къуру да джашнатады джерни юсюн.

Анга ушаш джокъду сыфатларында,
Толтургъан ишлеринде, атларында.
Болумунда, тюзлюкню этиуюнде,
Берген буйрукъларында, кёрюуюнде.

Ол юлгюсюз джаратханды кёклени.
Кёб хазнасы бла таурухлу джерни.
Мурат этиб, бол! - дегенлей бир затха,
Болуб къалады ол къысха заманнга.

Адамла тууадыла джерни юсюне,
Кёб зат къошулады, дуня джюзюне.
АЛЛАХНЫ билими уллуду, учсузд,
Сагъыш этиую, акъылы кыйырсызд.



АЛЛАХ къурагъанды биз къараб кёргенни,
Башха кёб затланы, биз кёрмегенни.
Ала болмагъандан чыкыгъанла бютюн,
Адам улу сезиб ийнаныр ючюн.

Тюзлюкню тутугъуз! - деб, бергенди
буйрукъ,
Сют этерикди ёмюрлени турлукъ.
Алгын джаратханыча, биз барлыкъбыз,
Бютеу барыбыз Анга къайтырыкъбыз.

Бу сыйлы атны айтханлай тургъанны,
Иннетин, эсин АЛЛАХХА бургъанны,
Кесине, юйюрюне бушуу джетмез,
Аллай ийнсан термилмез, азаб чекмез.





ЁМЮРЛЮК

ЁМЮРЛЮК турлукъду хаманда къараб,
Аны энчилиги хар затха джараб.
Уллу кючю дайым чагъарыкъ гюлдю,
Сейирди, хурметлид, джокъ боллукъ тюлдю.

Ол джангыз бирди, ёмюрлеге тургъан,
Учсузд - къыйырсызды мардасыз баргъан.
Таркъаймагъан кючлюдю, ахырсызды,
Аны болуму уллуд, айыбсызды.

Джерни юсюндеги бары джокъ болур,
Джаны болгъан хар зат ёлюмден толур.
Бир АЛЛАХ кьуру кеси джашарыкъды,
Чомарт, махтаулу бийлик тутарыкъды.

Мийик кёкдегиле бары тохтарла,
Алтын кюн бла джулдузла джукъланырла.
АЛЛАХ салгъан джорукъ сёзсюз толлукъду,
Заман джетсе, дуня кьурурукъду.



Бизге кёзююлюдю берилген хазна,
Рысхы, хайырлылыкъ, билим эм джазма.
Джаны болгъан зат бары ёллюкдю,
АЛЛАХ бирди, кьуру, Ол Ёмюрлюкдю.

Унутмайын Кьураучугъа кьайтайыкъ,
Сыйлы атын кьайтарыб кёб айтайыкъ.
Ёмюрлюк кьыйынлыкъладан сакълар,
Ол бизни хар заманда да джакълар.





АСАБА

АСАБА хар сёзюне керти болад,
Ёлгенни мюлкюн Ол ишексиз алад.
Дунияда болгъан зат къолундады,
Хар джаратылгъан Аны джолундады.

Ол ёмюрлеге джангыз Кеси къалад,
Къурагъан затларына джорукъ салад.
Аланы затларына Ол иеди,
Хар неге да суйгенича тиеди.

Оноу этерикди джашау тёрюнден,
Бийлик тутарыкъды тургъан джеринден.
Кёрюннген, кёрюнмеген джокъ болса да,
Дуния Къыямат Кюнден толса да.

Адам ёмюрлеге оноу эталмаз,
Джашауда байлыгъын тутуб туралмаз.
Кёбле ол затлагъа эслерин бёлмей,
Джерде джашайла игиликни кёрмей.



Аламны, инсанны аллыкъды тюбюн,
Асаба* кёргюзтюрюкдю деу кючюн.
Заманы бла ёлюм джетерикди,
Адам рысхысын кёюб кетерикди.

Байлыкъ джыяргъа ашырмай заманны,
Алданмай узакъ сюрюб аманны.
Джерде сууаблы ишле этейик,
Ол бир дунягъа сый бла кетейик.



* Асаба - наследие



ТЮЗ ДЖОЛГЪА САЛЫУЧУ

ТЮЗ ДЖОЛГЪА САЛЫУЧУ бизни
тюзетеди,
Билим бериб, адамны юретеди.
Уллу саугъад ийнаннганнга берилген,
Насыб хазна болуб кѣбге керилген.

Джюрек къылланы кертиге ачады,
Къууанчны нюр бурчакъларын чачады.
Мадар береди адамгъа сезерге.
Бойсунургъа, игиликле этерге.

Ийнаннганла ашхылыкъ туудуралла.
АЛЛАХНЫ джорукъларын толтуралла.
Керти билимлери барды аланы,
Ишлейле джашауда сууаб къаланы.

Файхамбаргъа, Къураннга ийнаналла,
Огъур ишле этселе къууаналла.
Баш урадыла ёмюрлюк АЛЛАХХА,
Махтау, сый бередиле Патчахха.



ТЁЗЮМЛЮ

ТЁЗЮМЛЮ уллуду бек чыдамлыд,
Джумушакъ, халалды, сабырлыд.
Бойсунмагъанны кёреди, тёзед,
Хар нени да болджалы бла этед.

Тохтаусуз ишлейд, джокъ Анда арыу,
Барды кёб кючю, уллуду къарыу.
Инсанны аман ишин билиб турад,
Дагъыда джууашлылыкъны бурад.

Сынайды, адамгъа береди джашлыкъ,
Ызындан анга келеди къартлыкъ.
Къулуна иеди кёб тюрлю саугъа,
Чыгъарады аны сууаблы таугъа.

АЛЛАХНЫ айтханын этмесе да ол,
Терс болмагъаннга джетдирсе да къол.
Тёзюб турады бир заманнга дери,
Андан ачыуун туттады керди.



Джашауда аман ишлери ючюн,
Кёрюзсе да онглулугъун, кючюн,
Тёзюмлю дерт къайтарлыкъды анга,
Азаб саллыкъды тынгыламагъаннга.

Игилик бла сууаблыкъдан толуб,
Биз, АЛЛАХНЫ сыйлы кьулу болуб,
Джашайыкъ, сейир дунягъа къараб,
Динни джолунда башхалагъа джараб.





АЛЛАХХА ЭТЕМЕ ДЖІОРЕКДЕН ШУКУРЛА

Кюн кёкде барады бизге джарытыб,
Талада ойнайдыла кийик буула.
Ол турад хаманда джерни джылытыб,
АЛЛАХХА этеме джюрекден шукурла.

Кюмюш Ай джылтырайд, тегерек болуб,
Кёкде джанадыла джарыкъ джулдузла.
Барады джолоучу, насыбдан толуб,
АЛЛАХХА этеме джюрекден шукурла.

Булбулла тегелле татлы джырларын,
Табигъат болгъанд бизге насыб къала.
Таула берелле ашхы хазналарын,
АЛЛАХХА этеме джюрекден шукурла.

Келгенд сыйлы Къуран джерин юсюне,
Тюзелир ючион деб, бизде умутла.
Ол, ийнаннганны бурады тюзюне,
АЛЛАХХА этеме джюрекден шукурла.



Бир АЛЛАХ адамны кеси джаратханд,
Буюргъанд анга энчи джашар джылла.
Акъыл, билим бериб кенгнге къаратханд,
АЛЛАХХА этеме джюрекден шукурла.

Ахыр кюн адамны джанын кеси алад,
Джашауда этгенин базманнга сала.
Хар къуру, хар заманда бийлей къалад,
АЛЛАХХА этеме джюрекден шукурла.



БАШЛАРЫ

АЛ СӘЗ – Бисмиллаахир' рахмаанир	
рахиим -----	5
Къутхарылыу -----	8
АЛЛАХНЫ БЕК АЛАМАТ АТЛАРЫ	9
АЛЛАХ -----	11
Хатерли -----	13
Халал -----	15
Ие -----	17
Шыйых -----	19
Рахатлыкъ -----	21
Ышангылы -----	23
Сакълаучу -----	25
Хорланмазлыкъ -----	28
Хурмет Иеси -----	31
Онглу -----	33
Джаратычу -----	35
Болдуруучу -----	38
Тюрстон Бериучю -----	40
Кечиучю -----	43
Хорлаучу -----	45

Саугъалаучу -----	47
Ашатыучу -----	50
Насыблаучу -----	53
Незатны да Билиучю -----	56
Къысыучу -----	59
Кенггертиучю -----	61
Сыйсыз Этиучю -----	63
Махтаучу -----	65
Кюч Бериучю -----	67
Дараджаны Тюшорюучю -----	69
Нени да Эшитиучю -----	71
Незатны да Кёрюучю -----	73
Сюдю -----	75
Тюзлюкчю-----	77
Джити Акъыллы-----	80
Хар Неден да Хапарлы-----	83
Сабыр-----	86
Киши Джеталмазлыкъ Дараджалы-----	89
Кечиучю -----	91
Бюсюреу Этиучю-----	93
Эм Мийик-----	95
Бий-----	97

Къоруулаучу-----	99
Игилик Юлешиучю-----	101
Эсеблеучю -----	103
Уллу -----	105
Чомарт-----	107
Мараучу -----	109
Къайгъырыучу -----	111
Неге да Джетишиучю-----	113
Акъылман-----	115
Сюйюучю-----	117
Аламат-----	119
Тирилтиучю-----	121
Шагъат-----	122
Хакъ-----	125
Джакъчы-----	127
Неда Къолундан Келген-----	129
Деу-----	131
Шох-----	133
Махтаугъа Тыйыншлы-----	135
Эсгериучю-----	137
Башлаучу-----	139
Къайтарыучу-----	141

Джашау бла Саугъалаучу-----	143
Джан Алыучу-----	145
Ёлюмсюз-----	147
Туура-----	149
Тамамлы-----	151
Махтаулу -----	153
Джангыз-----	155
Тюрленмеучю-----	157
Къудуретли -----	159
Деменгили -----	161
Алгъа Чыгъарыучу-----	163
Артха Тебериучю-----	165
Биринчи-----	167
Ахыргъы-----	169
Ачыкъ-----	171
Таша-----	173
Аламны Патчахы-----	175
Мийикликни Тутхан-----	177
Тобаны Къабыл Этиучю-----	179
Дерт Къайтарыучу-----	181
Кечиб Къоюучу-----	183
Джазыкъсыныучу-----	185

Уллу Кючно Джюрютген-----	187
Махтауну Тутуучу-----	189
Кертичи-----	191
Джыйыучу-----	193
Бай-----	195
Байындырыучу-----	197
Игилик Бериучю-----	199
Тыйыучу-----	201
Заран Салыучу-----	203
Хайыр бла Саугъалаучу-----	205
Нюр-----	207
Тюзетиучю-----	209
Чыгъарыучу-----	211
Ёмюрлюк-----	213
Асаба-----	215
Тюз Джолгъа Салыучу-----	217
Тёзиюмлю-----	219
АЛЛАХХА этеме джюрекден шукурла-----	221

Хусеин Узеирович Лепшоков

Имена Аллаха

стихи на карачаевском языке

Редактор: Казим хаджи Катчиев,
имам-хатыбы города Черкесска,
член учёного совета Исламской
религии в Карачаево-Черкесии

Формат 70x108 ¹/₃₂

Бумага офсетная. Печать офсетная

Тираж 500 экз. Заказ № 177-2012

Отпечатан в полном соответствии с качеством
предоставленного оригинал макета